

汉律辑证一







漢律輯  
證

門人周聲溢敬署



光緒己亥孟夏月  
刻於湘水校經堂



黃帝設五法布之天下太史公素王妙論皋陶謨虞始造律風俗筭

曰令者令民知民事本鄭鑄刑書晉作執秩張斐律序魏文侯師於

李悝集諸國刑典造經六篇一盜法二賊法三囚法四捕法

雜法六具法商鞅傳授改法為律唐律疏議疏按晉書刑法志

急於盜賊故其律始於盜賊盜賊須劾捕故著網捕二篇其

校越城博戲借假不廉淫侈踰制以為雜律一篇又以具律論

具其加減是故所著六篇而己然皆罪名之制也漢相蕭何承秦法作為律令宣帝外

注除參夷連坐之罪增部主見知之條益事律興廢戶三篇

為九篇叔孫通益律所不及傍章十八篇張湯越宮律二十

篇趙禹朝律六篇合八十篇晉書刑法志按御覽刑法部引

張斐律序趙禹作朝會正見律武天下已定務用安靜解王莽之繁遵漢世之輕見循吏然法

令決事輕重不齊或一事殊法同罪異論桓譚司徒辭訟久者



數十年事類溷錯不良吏得為因緣陳寵辟司徒鮑昱府為撰

辭訟比七卷決事科條皆以事類相從見陳寵傳應劭刪定律令撰

律本章句尚書舊事廷尉版令決事比例司徒都目五曹詔書

及春秋治獄凡二百五十篇蠲其重複奏之見本傳及六帖蓋漢之律

書出於小杜見文苑英華三百引沈約授蔡法度廷尉制後人生意各為章句叔孫

宣郭令卿馬融鄭元諸儒十有餘家家數十萬言凡斷罪所當

由用者合二萬三千六百七十二條七百七十三萬二千五百

餘言晉書刑法志歷魏晉迄隋唐書之存者建武律令故事律略論

廷尉決事廷尉駁事廷尉雜詔書而已今惟唐長孫无咎律疏

三十卷亡而復存其原本於漢律者文沒不見王伯厚玉海漢

制攷中引十餘事貴堦喜其存而惜其少妄有增益欲仿漢官



儀諸書之輯別爲漢律一編以蒐采未富久稽卒業今夏元和  
江學使建霞見贈所刊靈鷲閣叢書乃知浚民已先我爲之  
攜拾寥寥未塞鄙意因檢所未卒業者傭鈔存篋凡得百數  
條逐條各注原書原書字句稍有刪節者曰見某書其未明引  
律文而制詔所定其入律可知及推求所坐罪名彼此互證決  
爲律文所有則竟以所坐當之而徵引本事分注下方先後鄭  
注經或稱漢法法卽律也許浚長說文或引漢令史記惠景間  
侯者年表著令甲稱其忠焉瓚曰以非制故特著令杜周有言  
前王所是著爲律後王所是疏爲令杜預律序律者八以正罪  
名令者八以存事制二者相須爲用黃香傳引田律作田令後  
漢書禮儀志引漢律金布令是令亦律也異名同物無關限斷

盜律有賊傷之例賊律有盜章之文興律有上獄之法廢律有

逮捕之事若此之比錯糅無常盜律以下見晉書刑法志既未睹其全書無

從強為隸目今之律曰非蕭何所有尤無取焉秉燭餘光照不

及遠取為嚆矢謹俟來喆光緒二十三年季夏朔巴陵杜

自敘



漢律輯證一

桐華閣叢書

夷三族

史記秦本紀文公二十年法初有夷三族之罪張晏注父母兄弟妻子也如淳曰父族母族妻族也後書崔寔

傳昔高祖令蕭何作九章之律有夷三族之令黥劓斬趾斷舌梟首故謂之具五刑前書刑法志夷三族者先黥劓斬左右止笞殺之梟其首殖其骨囚其誹謗詈詛者又先斷舌呂后初除三族罪孝文元年詔丞相太尉御史今犯法者已論而使無罪之父母妻子同產坐之及收朕甚勿取云其後新垣平為逆復行三族之誅又李陵傳於是族陵家母弟妻子皆伏誅按据此是三族者即文帝所謂父母妻子同產也如淳注非仲尼燕居三族注父子孫也儀禮士昏禮注三族謂父昆弟已昆弟子昆弟鄭康成所謂三族如此周禮秋官司烜氏鄭司農注屋誅謂夷三族無親屬收葬者無親屬收葬則是并母族妻族盡誅矣三代時烏得有此故後鄭不從後書肅宗紀元和元年詔曰往者妖言大獄所及廣遠一人犯罪禁至三屬賢注即三族也謂父族母族妻族

要斬

周禮秋官掌戮注斬以鈇鉞若今要斬也殺以刀刃若今棄市也祝禴要斬屢見王子侯功臣諸表

棄市

亢倉子楚平王棄左右近習三人於市史記昭襄王五十二年河東守王稽坐與諸侯通棄市注秦法論死於市謂

之棄市景帝紀中二年改磔曰棄市勿復磔注應劭曰先此諸  
从刑皆磔於市今改曰棄市自非妖逆不復磔也師古曰磔謂  
張其尸也棄市殺之於市也按斬者皆裸形伏

鑽張蒼傳當斬解衣伏質身長大肥白如瓠

**除囚刑**史記孝文本紀集解李奇曰**當黥者髡鉗為城旦春當**

**劓者笞三百當斬左止者笞五百當斬右止者及殺人先自告**

按後漢書郎顛傳漢法囚刑三謂黥也劓也左右趾也文帝  
除之當黥者城旦春當劓者笞三百當左右趾者笞五百也及

**吏坐受賕枉法守縣官財物而即盜之已論命復有笞罪者棄**

**市**命者名也成其罪也此三罪論名而又犯笞罪即皆棄市已  
上見西漢會要 周禮秋官司刑注今東西夷或以墨劓為

俗古刑人亡逃之世類歟宮若今宦男女也賈疏宦男女即宮  
人婦女及奄人使守內閣者也史記文帝紀索隱引崔浩漢律

序文帝除囚刑而宮不易張斐注云以淫亂人族類故不易之  
也愚按孝景元年詔孝文皇帝除宮刑出美人重絕人之世也

史記宮刑作囚刑据下重絕人之世宮刑為是且上已言除誹  
謗去囚刑不當復舉据此是文帝除之矣景帝紀从罪欲腐者

許之至武帝而司馬遷及張安世兄賀以衛太子賓客下蠶室  
光武二十八年三十一年詔死罪繫囚皆一切募下蠶室女子



宮明帝永平八年詔屯朔方五原之邊縣其大逆無道殊死者  
一切募下蠶室章帝建初七年元和元年章和元年詔犯殊死  
一切募下蠶室其女子宮和帝永元八年詔犯大逆募下蠶室  
女子宮永初中陳忠奏除蠶室刑未見施行是終漢之世以宮  
刑代死罪也尚書呂刑正義漢除囚刑墨劓剕耳宮刑猶在隋  
開皇初始除男子宮刑周禮秋官司刑疏漢文帝十三年赦囚  
刑所赦者惟墨劓與剕三者其宮刑至唐乃赦也愚按文帝嘗  
用賈誼言大臣有罪皆自殺不受刑至武帝時稍復入獄既以  
鈇代贖矣陳寵傳又云帝遂詔有司絕鈇鑽諸慘酷之刑鑽  
者鑽去其贖骨即贖刑也則囚刑亦未盡除矣宮刑可知

**大造**爵滿十**以上及內外公孫耳孫有罪當刑及城旦舂者皆**

**耐為鬼薪白粲**惠帝紀王圻續通考徒者奴也蓋奴辱之謂

是也

**罪人獄已決完為城旦舂**通志注皆四歲刑律說曰男女為論

**滿三歲為鬼薪白粲**應劭注鬼薪為宗廟取

**一歲為隸臣妾**鄭樵通

**鬼薪白粲**史記集解如淳曰

妾滿二歲為司寇司寇一歲及作如司寇二歲皆免為庶人注  
云罪降為司寇故一歲正司寇故二歲後書張皓傳注引前書  
音義曰司寇二歲刑隸臣妾一歲免為庶人  
引張湯定律完為城旦春上為諸當髡者四字免為庶人下接  
逃亡以耐罪已上不用此令有爵者七十者未齷者皆不為奴  
等

顧山 平帝元始元年天下女徒已論歸家顧山錢月三百如淳  
注引令甲女子犯罪作如徒六月顧山遣歸後書光武帝

紀注引前書音義令甲女子犯徒遣歸  
家每月出錢顧人於山伐木名曰顧山

完而不髡曰耐 史記趙奢傳索隱据江遂引漢令淮南王安傳  
集解應劭曰輕罪不至於髡完其髡鬢故曰耐

古耐字從彡髮膚之意蘇林以為法度之字皆從寸後改如是  
如淳曰律耐為司寇為鬼薪白粲耐任也蘇林曰一歲為罰作  
二歲以上為耐耐能任其罪孝惠帝紀即位詔民年七十以上  
若不滿十歲有罪當刑者皆完之按秋官掌戮鄭司農注完者  
但居作三年  
不虧體者也

罰作 周禮秋官司圜任之以事鄭司農注引漢法史記馮唐傳  
雲中守魏尚削其爵罰作之金世宗大定間濟南尹梁肅



疏言刑罰世輕世重自漢文除囚刑罪至徒者帶鐐居役歲滿  
釋之按後書謂之輸作司寇又有輸作左校輸作右校輸作若  
盧

**復作**

宣帝紀注李奇曰復作者女徒也謂輕罪男子守邊一歲  
女子軟弱不任守復令作於官亦一歲故謂之復作徒也

孟康曰復音服謂弛刑徒也有赦令詔書去其鉗釵赭衣更犯  
事不從徒加與民爲例故當復爲官作滿其本罪年月日律名  
爲復作也師古曰孟說是也神爵元年中都官徒弛刑注李奇  
曰弛廢也謂若今徒解鉗釵赭衣置任輸作也趙充國傳時上  
已發三輔太常徒弛刑師古曰弛  
刑謂不加鉗釵者也弛之言解也

**在徒役者不得衣絲絮**

後書光武紀建武二十二年詔徒皆弛  
解鉗衣絲絮注舊法在徒役者不得衣

絲絮今  
赦許之

**鈇左趾**

史記平準書索隱鈇踏腳鉗張斐漢晉律序狀如跟衣  
著足下重六斤以代臙朱穆傳繫趾注以鐵著足曰鈇

**榜笞立**

後書章帝元和元年詔引律掠者  
惟得榜笞立注立謂立而考訊之

**笞加笞**

刑法志景帝定令當笞者笞臀如淳曰先時笞背也  
元年詔曰加笞與重罪無異幸而不死不可爲人其

定律笞五百曰三百笞三百曰二百中六年詔加笞者或至死而笞未畢朕甚憐之其減笞三百曰二百笞二百曰一百景帝紀定箠令笞者箠長五尺其本大一寸其竹也未薄半寸皆平其節當笞者笞臀毋得更人畢一罪乃更人按唐律疏議今律云累決笞杖者不得過二百蓋循漢例也

**鞭杖**

南史蕭琛傳郎有杖起自後漢爾時郎官位卑親主文案與令史不異故郎三十五人令史二十人是以古人多恥

為此職後漢紀曰明帝時政事嚴峻故卿皆鞭杖左雄上言九卿位次三事班在大臣行有佩玉之節動有庠序之儀加以鞭杖誠非古典上即除之 前書丙吉傳坐養皇曾孫不謹督笞

師古曰督謂察視之按尹歸翁傳有論罪輪掌畜官使斫莖責以員程不得取代不中程輒笞督若以督為察視則笞督不辭矣吳仁傑引晉令曰應受杖而體有瘡者督之謂督為決罰之名不與督

責同義

**頌繫**

惠帝紀爵五大夫吏六百石以上及宦皇帝而知名者有罪當盜械者皆頌繫師古注盜械者凡以罪著械皆得稱

焉如淳曰頌者容也言見寬容但處曹吏舍不入狴牢和帝紀永元九年復置若盧獄官注漢舊儀曰主鞠將相大臣也

**有罪失官爵稱士伍**

史記淮南厲王傳如淳注引律按前書師古注謂之士伍者言從士卒之伍也 史



記秦本紀昭襄王五十年武安君有罪爲士伍遷陰密如涪曰嘗有爵而以罪奪之謂之士伍自二級以上有刑罰則貶爵自一級以下有刑罰則削矣藝文類聚五十一王粲論爵云依律有奪爵之法按奪爵遷遷勿奪爵見秦始皇十二年紀淮南王長傳皆當免官削爵爲士伍毋得宦爲吏功臣表悼侯周昌曾孫沃侯國士伍明詔復家師古注舊有官爵免爲士伍而屬沃侯之國也

贖尙書舜典正義古之贖罪者皆用銅漢始改用黃金但少其斤兩令與銅相敵惠帝紀民有罪得買爵三十級以免舛罪應劭注一級直錢二千凡爲六萬若今贖罪入三十匹縑矣師古曰令出買爵之錢以贖罪武帝紀太始二年募死罪人贖錢五十萬減舛明帝紀中元二年詔天下亡命自殊舛以下聽得贖論舛罪入縑二十匹右趾至髡鉗城旦舛十匹完城旦舛至司寇作三匹犯罪未發覺詔書到日自首者半入贖章帝紀建初七年詔亡命贖舛罪縑二十四匹云與中元二年詔同按御覽引後漢書永平十四年詔四十四匹作二十四匹中元三年詔五匹作三匹永平十八年詔四十四匹改三十四匹章帝建初七年三十匹改二十四匹章和元年十四改七匹順帝紀漢安二年令郡國中都官繫囚殊舛以下出縑贖各有差其不能入贖者遣詣臨羌縣居作二歲蕭望之傳天漢四年常使死罪人入五十萬錢減死罪一等豪彊吏民請託假貸至爲盜賊以贖罪

**謫徙**

魏書刑法志世祖大延五年少傅游雅疏云漢武時始啟河右四郡議諸疑罪而謫徙之後書明帝紀永平十六年

詔令郡國中都官舛罪繫囚減舛罪一等勿笞詣軍營屯朔方燉煌妻子自隨父母同產欲求從者恣聽之女子嫁為人妻勿與俱謀反大逆無道不用此書章帝建初七年詔天下繫囚減死一等勿笞詣邊戍妻子自隨占所在有不到者以乏軍興論

郭躬傳章和元年赦天下繫囚減舛罪一等勿笞詣金城而文不及亡命未發覺者躬上封事言舛罪已下並蒙更生而亡命捕得獨不沾澤臣以為赦前犯舛罪而繫在赦後者可皆勿笞詣金城以全人命有益於邊肅宗從之安帝紀元初二年詔郡

國中都官繫囚減舛一等勿笞詣馮翊扶風屯妻子自隨占著所在女子勿輸亡命舛罪以下贖各有差其吏人聚為盜賊有悔過者除其罪

**光祿大夫以下至郎中保父母同產**

元帝初元五年除此令應劭曰舊時相保一人有過

皆當坐之

**大逆不道父母妻子同產皆棄市**

景帝紀如淳注引律後書阜陵質王延傳王前犯大逆罪

惡尤著經有正義律有明刑注前書音義曰大逆無道父母妻子同產無少長皆斬 武帝紀征和三年丞相屈釐下獄要斬



妻子梟首鄭氏曰妻作巫蠱夫從坐但要斬也功臣表嗣侯公  
上廣德元光五年坐妻大逆棄市史記將軍公孫敖傳坐妻爲  
巫蠱族孔光傳定陵侯淳于長坐大逆誅長小妻迺始等六人  
皆以長事未發覺時棄去或更嫁光議以爲不當坐有詔光議  
是

### 罪人妻子沒爲奴婢黥面

三國魏志毛玠傳鍾繇引漢律唐會  
要三十九漢律妻子沒爲奴婢周禮

秋官司厲其奴男子入於罪隸女子入於春槩注鄭司農云今  
之爲奴婢古之罪人也玄謂奴從坐而沒入縣官者男女同名  
安帝紀永初四年詔建初以來諸祇言他過坐徙邊者各歸本  
郡其沒入官爲奴婢者免爲庶人按此卽前書鼂錯傳注所引  
收孥相坐律也秦法一人有罪并坐其家室孝文本紀有司皆  
曰請奉詔書除收帑相坐律令史記將相名臣年表大事記孝  
文元年除收帑相坐律後書梁統傳文帝除肉刑相坐之法今  
按安帝紀尙有沒入官爲奴婢者至唐會要猶引爲漢律是罔  
刑除而相坐仍未除或當時但免黥面與韓非子定法篇公  
孫鞅之治秦也設告相坐而責其實連什伍而同其罪据此則  
秦法同坐者  
不止妻帑矣

無尊上非聖人不孝者斬首梟之無營上犯軍法者斬要殺人

**者刳脰** 公羊文十六年宋人弑其君處

**禁錮** 一人犯罪禁至三屬見章帝元和元年詔免官禁錮傳爰及五屬注謂斬衰齊衰大功小功總麻也見范書黨錮傳序

**歐父梟首** 御覽六百四十董仲舒決獄曰甲乙與丙爭言相關丙以佩刀刺乙甲即以杖擊丙誤傷乙甲當何論或

曰歐父也當梟首論曰臣愚以為父子至親也聞其鬪莫不有怵惕之心扶杖而救之非所以欲誅父也云甲非律所謂歐父不當坐

檀弓子弑父正義引五經異義妻甲夫乙歐母甲見乙歐母而殺乙公羊說甲為姑討夫猶武王為天誅紂鄭駁云

乙雖不孝但歐之耳殺之太甚凡在宮者未得殺之殺之者士官也按歐母者殺鄭當据漢法而言晉書殷仲堪言律詐取父

母甯依歐詈法棄市此可知漢之有歐詈父母律矣唐律歐詈祖父母父母在鬪訟二

**私為人妻當棄市** 御覽六百四十董仲舒決獄甲夫乙將船會海風盛船沒溺流舂亡不得葬四月甲母丙

即嫁甲欲皆何論或曰甲夫舂未葬法無許嫁以私為人妻當棄市議曰臣愚以為春秋之義言夫人歸於齊言夫舂無男有

更嫁之道也婦人無專制擅恣之行聽從為順云甲非私為人妻也明於法事皆無罪名不當坐

**過失殺人不坐舂** 周禮秋官司刺注鄭司農引律云謂識審也不識若今仇讐報甲見乙誠以為甲而殺之



者過失若舉刀斫伐而軼中人者遺忘若間帷薄忘有在焉而以兵矢殺射之按儀禮鄉射禮記射者有過則撻之注有過謂揚矢中人凡射矢中人當刑之今鄉會眾賢以禮樂勸民而射者中人本意在侯去傷害之心甚遠是以輕之以朴撻於中庭而已秋官序官注過出罪施賈疏過誤者出之實罪者施刑後書郭躬傳孫章宣詔誤言兩報重尚書奏當腰斬躬對章應罰金帝曰章矯詔殺人何謂罰金躬對曰法令有故誤章傳命之繆於事為誤誤者其文則輕張斐律表曰知而犯之謂之故不意誤犯謂之過失唐律諸過失殺傷人者各依其法以贖論注謂耳目所不及思慮所不到其舉重物力所不制若乘高履危足跌及因擊禽獸以致殺傷之類皆是

民年七十以上若不滿十歲有罪當刑者皆完之

孝惠卽位詔

年未

滿八歲八十以上非手殺人它皆不坐

秋官司刺注鄭司農引今律令

年未滿

七歲賊鬪殺人及犯殊死者上請廷尉以聞得減死

刑法志引成帝鴻嘉

元年定令

年八十非誣告殺傷人它皆不坐

宣元康四年詔惠棟後書和帝紀補注云漢律四篇有告

劾傳覆告為人所告也劾為人所劾也傳傳捕覆案也見陳羣  
新律序唐律入議請減老小在斷獄一按後書來歷傳廷尉張  
結議曰年未滿十年八十八歲以下及孕者未乳師朱儒  
二五過惡不在其身

鞫繫者頌繫之孝景後三年著令見刑法志白帖引作訟繫按  
唐律老小廢疾在名例四拷決孕婦在斷獄二

男子八十以上十歲以下及婦人從坐者自非不道詔所名捕

目不得繫當驗問者即就驗光武建武三年詔平帝元始四年  
定著令婦女非身犯法及男子年

八十以上七歲以下非坐不道詔所名捕它皆無得繫其  
田驗者即驗問 魯恭傳廉考非急速捕一人罪延十數

子姦母見乃得殺之公羊桓六年傳注引律  
解云猶言對子姦母也

狂易殺人御覽六百四十六引廷尉決事曰河內太守上民張  
大有狂病病發殺母弟應梟首遇赦謂不當除之梟

日如故王子侯表樂平侯訴病狂易免後書  
不寵傳杜林奏請行狂易殺人得減重論

輕侮後書張敏傳建初中有人侮辱人父者而其子殺之肅宗  
費其舛刑而降宥之自後因以為比遂定其議以為輕侮

法敏駁議謂輕侮之法先帝一切之恩未有成科願之律令也  
又輕侮之比寢以繁滋至有四五百科轉相顧望彌復增甚難



以垂之萬載按周禮地官調人注父母兄弟師長嘗辱焉而殺之者如是為得其宜雖所殺人之父兄不得讐也使之不同國而已此亦鄭之以漢法釋經可知此法漢末尚未改也

二千石以令解仇怨後復相報移徙之

地官調人注鄭司農引漢令後書桓譚傳今人

相殺傷雖已伏法而私結冤讐子孫相報後忿深前至於滅戶殄葉今宜申明舊令若已伏官誅而私相殺傷者雖一身逃亡皆徒家屬於邊其相傷者加常二等不得顧山贖罪如是則讐怨自解盜賊息矣御覽五百九十八引王褒僮約注云漢時官不禁報怨民家皆高樓鼓其上有急即上樓擊鼓以告邑里令救助

犯法者各以法時律令論之

孔光傳丞相方進大司空武引令條之文法時謂始犯法之時也按

通典引作犯時唐律犯時未老疾發時老疾者以老疾論

諸獄疑若雖文致於法而於人心不厭者輒讞之

景帝中五年詔

獄疑者讞有司有司不能決移廷尉有令讞而後不當讞者

不為失

景帝後元年詔御覽六百四十一引漢書高帝詔縣道官獄疑者各讞所屬二千石官長二千石官長以其罪名

當報之所不能決者皆趨詣廷尉廷尉亦當報之廷尉所不能決謹具為奏附所當比律令以聞當謂處當也讞平議也秋官詁士有治於士者造焉注如今郡國亦時遣主者吏詣廷尉議者胡廣漢官解詁曰廷尉當疑獄唐律疑罪在斷獄二

**受二千石祿廩郡守之等受在下已成之獄官**秋官鄉士獄訟成士師受中注

若今二千石受其獄也疏漢時受二千石祿廩云云

**死罪及除名罪證明白考掠已至而抵隱不服者處當列上**陳書

沈洪傳范泉令牒述漢律并引杜預注云處當證驗明白之狀列其抵隱之意按唐律考囚限滿不首在斷獄一

**讀鞫已乃論之**秋官司寇讀書則用灋注鄭司農引漢法疏云鞫謂劾囚之要辭行刑之時讀已乃論其罪

也尚書呂刑注謂上其鞫劾之辭正義漢世問罪謂之鞫斷罪謂之劾宋書謝莊傳漢文傷不辜之罰除相坐之令孝宣倍深

文之吏立鞫訊之法後書袁敞傳張俊者蜀郡人蔡邕集俊坐漏洩事當伏重刑已出穀門復聽讀鞫詔書馳赦一等輸左校

**故乞鞫**史記夏侯嬰傳集解鄧展云刑律有故乞鞫索隱案晉灼云獄結竟呼囚鞫語罪狀囚若稱枉乞鞫者許之按

唐律諸獄結竟徒以上各呼囚及其家屬具告罪名仍取囚服辨



徒論決滿三月不得乞鞫秋官朝士期外不聽

辭訟有券書為治之秋官朝士凡有責者有判書以治則聽注鄭司農引漢法

理官決罪三日得其宜乃行之說文壘下引楊雄說

先自告除其罪衡山王賜傳聞律先自告除其罪按唐律犯罪未發自首在名例五

十二月立春不以報囚章帝元和二年詔引律無以十一月十二月報囚

章帝定律按陳寵傳蕭何草律季秋論囚避立春之月而不計天地之正二王之春實頗有違唐律立春後不決決刑

有司毋得陳赦前事置奏上有不如詔書為虧恩以不道論平

紀定令布告天下按王尊傳御史丞劾奏尊妄詆欺非謗赦前事猥歷奏大臣無正法飾成小過以塗汙宰相摧辱公卿朱博

傳彭宣等劾奏博宰相云知喜武前已蒙恩詔決事更三赦博執左道虧損上恩云附下罔上為臣不忠不道是陳赦前事為

虧恩不道漢律必有此文平帝特申令布告耳前書哀帝紀詔有司無得舉赦前事唐律以赦前事相告言在鬪訟四

先請秋官司寇注引漢法宗室有罪廉吏有罪墨綬有罪先請疏云漢法中二千石金印紫綬御史大夫二千石銀印青

綬縣令六百石銅印墨綬高帝七年令郎中耐以上請之東方朔傳昭平君獄繫內官以公主子廷尉上請宣帝黃龍元年詔吏六百石位大夫有罪先請平帝元年令公列侯嗣子有罪耐以上先請劉屈氂傳吏二千石有罪先請光武建武三年詔吏不滿六百石下至墨綬長相有罪先請後書橋玄傳坐事為城旦刑太尉橋公神廟碑曰臨淄令臧多罪正受鞫就刑沒齒無怨竟以不先請免官南匈奴傳中郎將張修與單于不相能擅斬之修以不先請而擅誅殺抵罪 續漢書百官志宗正卿歲因計上宗室名籍若有犯法當髡以上先上諸宗正以聞乃報決

**保辜**

公羊襄七年傳傷而反未至乎舍而卒注古者保辜辜內當以弑君論之辜外當以傷君論之徐疏其弑君論之者

其身梟首其家執之其傷君論之其身斬首而已罪不累家漢律有其事然則知古者保辜者亦依漢律律文多依古事故知然也功臣表嗣昌武侯單德元朔三年坐傷人二旬內死棄市顏注急就篇保辜者各隨其狀輕重令歐者以日數保之限內至死則坐重辜也

**一人有數罪以重者論之**

公羊莊十年傳書其重者也何注猶律一人有數罪以重者論之昭六年

杞伯益姑卒疏引律同按尚書大傳一夫而被此五刑鄭注被此五刑喻犯數罪也犯數罪猶以上一罪刑之此當是據漢律



爲說唐律二罪從重在  
名例六保辜在鬪訟一

**考竟**

釋名曰獄外曰考竟考竟者考得其情竟其命於獄中也  
順帝紀陽嘉三年春詔以久旱京師諸獄無輕重皆且勿

考竟質帝紀其令中都官繫囚罪非殊死考未竟者一切任出  
以須立秋按唐律外罪囚辭窮竟在斷獄一 朱暉傳再遷臨

淮太守數年坐法免注東觀記曰坐考長吏囚外獄中按唐律  
考囚不得過三度 後書韓稜傳竇氏敗稜典案其事深竟黨

與安帝詔自今長吏被考竟未報自非父母喪無故輒去職  
者云据已上紀傳所述非竟命於獄中乃考實以竟其事耳

**榻頭明書其罪法**

秋官司烜氏若屋誅則爲明竊焉注引漢法  
疏云明用刑以板書其姓名及罪著於身又

職金榻而璽之注既榻書捕其數量又以印封之今時之書有  
所表識謂之榻檠疏云榻卽今之板捕卽今之錄記文書謂以  
板記錄量數多少並善惡按諸葛豐傳故常願捐一旦之命不  
待時而斷姦臣之首縣於都市編書其罪使四方明知爲惡之  
詞何並傳並心自知已失林卿迺曰王君困自稱奴得脫死邪  
叱吏斷頭持還縣所剝鼓置都亭下署曰故侍中王林卿坐殺  
人埋冢舍使奴剝寺門鼓此鄭注榻頭明書罪法爲漢法之證  
李固傳大書帛於其背惠棟後漢書補注賈山云衣赭衣書其  
背漢之罪人如此按賈山至言云憐其亡髮賜之  
巾憐其衣赭書其背玩其文義當是以書背代赭

蠻夷卒有類說文糸部類

蠻夷戎狄有罪當殊之史記蘇秦列傳集解風俗通義引漢令注殊者死也與誅同指按說文引漢令

作蠻夷長有罪當殊之

親親得相首匿公羊傳注引律鹽鐵論文學曰自首匿相坐

詔自今子首匿父母妻匿夫孫匿大父母皆勿坐其父母匿子

夫匿妻大父母匿孫罪殊外皆上請廷尉以聞師古注凡首匿

者言為謀首而臧匿罪人功臣表元朔五年臨汝侯灌賢坐子

傷人首匿免孔穎達尚書康誥正義今之律令大功以上得相

容隱按唐律同居相為隱在名例六

婦告威姑說文女部威下引漢律按唐律告期親尊長在鬪訟

郡國歲上繫囚已掠笞若瘦死者所坐名縣爵里丞相御史課

殿最巨聞宣帝地節四年詔蘇林注囚徒病律名為瘦如瀆注律囚以飢寒而死曰瘦按詔上文云今繫者或曰掠



**痲痲**

薛宣傳應劭注以杖手歐擊人剝其皮膚腫起青黑而無瘡癩者律謂痲痲白帖漢博士申咸毀薛宣宣子况賂客

楊明痲破咸於宮門外斷鼻傷脣使不得為近侍中丞奏况及明皆大不敬棄市廷尉直議咸遇人以不義而痲者與痲人罪

同况竟減舛唐律鬪歐折毀耳鼻在鬪訟一

**以重論**

高帝五年詔其令諸吏善遇高爵稱吾意且廉問有不

盡三冬之月賢

**減舛一等**

魏志鍾繇傳五刑之屬著在科律科律自有減舛一等之法不舛即為減按魏時仍承漢法

**爵減**

薛宣傳爵減完為城旦師古注以其身有爵祿故得減罪而為完也

**望後利日**

秋官鄉士協日刑殺注協合也和也和合支幹善日若今時望後利日疏云月大則十五日為望月小則

十六日為望利日即合刑殺之日是也

**錄囚**

後書百官志諸州常以八月巡行所部郡國錄囚注引胡廣曰縣邑囚徒皆閱錄視參考辭狀實其真偽有侵冤者

即時平理也前書雋不疑傳每行部錄囚徒師古注省錄之知其情狀有冤滯不也今云慮囚本錄聲之去者耳音力具反按

唐律疏議釋文赦則罪無輕重降則減重就輕慮則又與降同然降自減免慮是奏免赦降慮三者名殊而義歸於赦

**赦**初學記二十漢舊儀云踐阼改元立皇后太子赦天下每赦自殊从以下及謀反大逆不道諸不當赦者皆赦除之命下

丞相御史乘傳駕行郡國解囚徒布詔書郡國各分遣吏傳廢車馬行屬縣解囚徒

**母子兄弟相代歿赦所代者**後書陳寵傳按范曄論云開父子

善人多幸而善人常代其禍進退無所據也

此處包含多個垂直欄位的文字，內容較為模糊，但依稀可見一些字句，如「其禍進退無所據也」等字樣，這些文字似乎與主文內容有相關聯，但由於清晰度不足，難以完整轉錄。



漢律輯證二

桐華閣叢書

人出一算算百二十錢唯賈人與奴婢倍算

惠帝紀應劭注引律按高帝紀漢王

四年八月初為算賦如淳注曰漢儀注民年十五以上至五十六出賦錢人百二十為一算為治庫兵車馬周禮天官司會注

民年二十五已上至六十出口賦錢人百二十以為算天官九賦注皆末作當增賦者若今賈人倍算矣

女子年十

五以上至三十不嫁五算

見惠帝六年紀通典食貨應劭曰使五算罪謫之也劉攽曰予謂女子

之算亦不頓謫之自十五至二十為五等每等加一算也

民年二十三傳之疇官

田疇之長

各從其父疇學之高不滿六尺二

寸已下為疲癯

高帝紀如淳注引律律歷志如淳注家業世相傳為疇宋祁曰南本世相傳為疇下有歷年二

十二傳之疇官各從其父學也官本考證臣浩案史記集解亦引如淳此條作律年二十二云蓋引漢律文也宋祁所見之南

本作慙亦誤史記孝景本紀男子二十而得傳索隱引荀悅云傳正卒也小顏云舊法二十三而傳今改也

口賦錢

昭帝元鳳四年詔母收四年五年口賦如淳注曰漢儀注民年七歲至十四出口賦錢人二十三二十錢以食

天子其三錢者武帝加口錢以補車騎馬也光武紀注引同貢禹傳古民無賦算口錢起武帝征伐四夷重賦於民民產子三歲則出口錢故民重困至於生子輒殺甚可悲痛宜令民七歲去齒乃出口錢年二十乃算元帝命民七歲乃出口錢御覽一百五十七零陵先賢傳曰鄭產為白土嗇夫漢末產子一歲輒出口錢民多不舉產乃勅令民勿得殺子口錢自當代出名其鄉曰更生鄉理道要訣云漢高祖每歲人常賦百二十錢至孝文時省儉減至四十武帝時邊費廣人產子三歲則出口錢孝宣減人算三十孝成減四十光武有產子復以三年之算按昭帝元平元年詔減口賦錢有司奏請減十三上許之 武帝紀太初二年籍吏民馬補車騎馬且於口賦之外增三錢以補車騎馬之用所謂馬口錢也昭帝元鳳二年詔郡國無斂馬口錢按此條雖在漢儀注中以上二條例之不應為律文所無且漢之禮儀本與律令同錄說見末卷注

**封君以下至三百石吏以上差出牡馬天下亭亭有畜字馬歲**

**課息** 食貨志武帝著令功臣表嗣侯召延元封六年坐不出持馬要斬師古曰時發馬給軍匿而不出也

**民得畜邊縣官假馬母三歲而歸及息什一** 見食貨志下武帝令李奇注邊有官

馬今令民能畜官母馬者滿三歲歸之十母馬還官一駒此為息什一也昭帝始元四年詔往時令民共出馬其止勿出靈帝



中平元年詔  
公卿出馬弩

卒更有三踐更居更過更

史記吳王濞傳索隱引律元鳳四年詔更賦逋未入者勿收如淳曰更有

三品有卒更踐更過更古者正卒無常人皆當迭為之一月一更是為卒更也貧者欲得顧更錢者次直者出錢顧之月二千是為踐更也天下人皆直成邊三日亦名為更律所謂繇戍也雖丞相子亦在成邊之調不可人人自行三日戍又行者當自戍三日不可往便還因便住一歲一更諸不行者出錢三百入官官以給戍者是為過更也律說卒踐更者居也居更縣中五月乃更也後從尉律卒踐更一月休十一月也後書明帝紀注更謂戍卒更相代也賦謂雇更之錢也食貨志曰月為更卒已復為正一歲屯戍一歲力役三十倍於古此漢初因秦法而行之也此後遂改易有適乃戍邊一歲耳律說戍邊一歲當代罷若有急當畱守六月見溝洫志如淳注

民不繇賞錢二十二

說文貝部賞下引律此繇稅見上條

諸當占租者家長身各以其物占占不以實家長不身自書皆

罰金二斤沒入所不自占物及賈錢縣官

昭帝紀始元六年令民得以律占租注如

**販賣租銖**

食貨志引此律師古曰租銖謂計其所賣物價平其銖銖而收租也貢禹傳宜罷采珠五金銀鑄錢之官

亡復以為幣市井勿得販賣除其租銖之律師古曰租稅之法皆依田畝不得雜計百物之銖兩愚按禹言市井勿得販賣珠

王金銀故平其銖銖而收租之律可除耳未論及田畝之稅當從食貨志注舊唐書刑法志漢氏撥亂思易前軌尚行菹醢之

誅猶設錙銖之禁 貢禹傳令近臣自諸曹侍中以上家毋得私販賣與民爭利犯者輒免官削爵不得仕宦

**田租稅**

史記將相名臣表大事記孝文十三年除肉刑及田租稅律 光武帝紀引景帝舊制田租三十稅一 昭帝

元鳳二年六年詔今三輔太常穀減賤其令以菽粟當今年賦

**斂民錢以田為率**

公羊哀十二年用田賦注若今漢家斂民錢以田為率矣桓帝延熹八年令郡國有田者

斂斂稅錢注 斂斂十錢也

**解衣耕謂之襄**

說文衣部引漢令

**膠田株艸**

說文田部引漢律

**中傷二三實除減半**

周禮地官司稼出斂注引漢法疏謂十分之內傷二分三分餘有七分八分在實除



減半者謂就七分八分中仍減去半不稅於半內稅之以凶荒所擾饒民法也

### 諸侯在國名田他縣罰金二兩

哀帝紀如涓注引令甲有司條奏諸王侯得名田國中列侯在

長安及公主名田縣道關內侯吏民名田皆無得過三十頃如涓曰名田國中者自具所食國中也既收其租稅又自得私田三十頃名田縣道者列侯有不之國者雖遙食其國租稅復自得田於他縣道公主亦如之不得過三十頃又諸侯王奴婢二百人列侯公主百人關內侯吏民三十人年六十上十歲下不在數中賈人皆不得名田為吏犯者以律論諸名田畜奴婢過品皆沒入縣官按以律論云可知漢律有名田畜奴婢過品皆沒入縣官之文食貨志云以下傳董賢皆不便之寢不行是不復行此律也唐律占田過限在戶婚二應輸課稅在廩庫一

### 非始封十減二

宣帝紀復其後世疇其爵邑張晏注引律

### 八月案比

地官小司徒大比則受邦國之比要注鄭司農云若今時八月案比是也賈疏漢時八月案比而造籍書

後書皇后紀漢法常因八月算人是也

### 宗室及關內侯皆復

功臣表元康四年曹參元孫之孫杜陵公乘喜詔復家孟康曰諸復家皆世世無所

與得傳同產子吏有復除八九十復羨卒癯不可事者復之地官鄉大夫注

鄭司農引漢法癯不可事不算卒可事者半之地官以保息六注引漢法疏云癯病不可給事

不算計以為士卒可事者不為重役輕處使之取其半功而已臣年八十復二算白帖六十引漢武令復二

口之算不預兵革之賦按唐律戶婚有應復除不給

縣道年八十以上賜米人月一石肉二十斤酒五斗其九十以

上又賜帛人二匹絮三斤賜物及當稟鬻米者長吏閱視丞若

尉致不滿九十嗇夫令史致二千石遣都吏循行不稱者督之

刑者及有罪耐以上不用此令文帝元年詔議令

郡國有穀者給廩高年鰥寡孤獨及篤癯無家屬貧不能自存

者光武建武六年詔命郡國有穀者云如律注漢律今亡按前書儒林傳序它如律令師古注此外並如舊律令可證此詔

云為漢時舊律



人有產子者復勿算三歲今諸懷妊者賜胎養穀人三斛復其

夫勿算一歲章帝紀元和二年著為令明帝紀永平九年詔郡國死罪囚減罪與妻子詣五原朔方占著所在死者皆賜妻父

若男同產一人復終身其妻無父兄獨有母者賜其母錢六萬又復其口算

邊郡數被兵離飢寒夭絕天年父子相失令天下共給其費蕭

之傳引金布令甲不幸死死所為櫛傳歸所居縣賜以衣棺也金布令按

高帝紀漢王四年八月下令軍士不幸死者吏為衣衾棺斂轉送其家八年十一月令士卒從軍死者為櫛歸其縣縣給衣衾

棺葬具此漢令之始一室二尸則官與之棺見秋官小行人注引漢法師古曰金布者令篇名也其上有府庫金錢布帛之

事因以名篇又高帝紀注金布者令篇名若今言倉庫令也

其嬰兒無父母親屬及有子不能養食者稟給如律章帝元和三年詔按

所謂如律者先有是律而今如之据此詔是漢舊律有稟給嬰兒之文凡言如律者準此

列侯太夫人夫人諸侯王子及吏二千石無得擅有徵捕文帝紀七

令年

令郡國務勸農桑益種樹可得衣食物吏發民若取庸采黃金

珠王者坐臧為盜二千石聽者與同罪景帝後三年詔

治河卒平賈一月得錢二千非受平賈者為著外繇六月溝洫志注

如清引律宣帝時大司農陽城侯田延年坐增蹴直自入自殺見本紀師古注

三輔毋得以春夏摘巢探卵彈射飛鳥宣帝元康三年六月著為令順帝永建四年詔

民入山鑿石發洩藏氣有司檢察所當禁絕者如建武永平故事

郡國募人無田欲徙他界就肥饒者恣聽之到在所賜給公田

為雇耕傭賃種餉餉糧也古貫與田器勿收租五歲除算三年其

後欲還本鄉者勿禁章帝紀元和元年詔令

衛士給徭役地官敘官司徒注此謂民給徭役若今衛士矣疏若今衛士者衛士亦給徭役故舉漢法况之貢禹



傳諸離宮及長樂宮  
衛可減大半寬徭役

**商者不農**

黃香傳引田令  
平中下令禁民二業

般上言郡國以官禁二業至有

田者不漁捕是商者不農之令始於永平也愚按般傳明言先是時禁民二業又桓譚傳疏陳時政所宜云理國之道舉本業而抑末利是以先帝禁人二業鋼商賈不得宦爲吏注高祖時令市井不得宦爲吏據此不得云始於永平

**民告緡者以其半與之**

武帝元鼎三年令本紀元狩四年初算

錢出算二十也按食貨志諸賈人末作贖貸賣買居邑貯積諸物及商以取利者雖無市籍各以其物自占率緡錢二千而算一諸作有租及鑄率緡錢四千算一非吏比者三老北邊騎士輶車一算商賈人輶車二算船五丈以上一算匿不自占占不悉戍邊一歲沒入緡錢有能告者以其半畀之史記張湯傳排富商大賈出告緡令正義武帝伐四夷國用不足故稅民田宅船乘畜產奴婢等皆平作錢數每千錢一算出一等賈人倍之云一算百二十文也愚按一算百二十文據志緡錢二千算一四千算一是一千四千之中取百二十若如李斐所云一貫千錢出算二十則是千錢出二十算以算百二十計之當出錢二千四百決無重斂之法斐注疑誤

千四百決無重斂之法斐注疑誤

以子息出貸人合收租見王子侯表旁光侯殷下師古注

加貴取息坐臧周禮秋官朝士凡民同貨財者令以國瀆行之注同貨財者富人畜積者多時收斂之乏時以

國服之法出之雖有騰躍其贏不得過此以利出者與取者過此則罰之若今時加貴取息坐臧疏曰云雖有騰躍其贏者謂

販易得利多少者為騰躍其贏謂其贏利騰躍一躍而出故晉灼曰言市物賤預買畜之物貴而出賣之故使物騰躍是其事

以利出者與取者依常契獲利取者又騰躍所贏二者俱有利物違國服則為犯令得刑史記功臣侯表即侯黃遂元鼎元年

坐賣宅縣官故貴國除按唐律市司評物賈在雜律一

不償人債外戚恩澤表元狩二年嗣侯田祖坐當歸軹侯宅不與免功臣表孝文三年嗣侯陳信坐不償人債過六

月免此李惲假借不廉律也唐律負債違契不償在雜律一

市買為券書以別之各得其一訟則案券以正之秋官士師傅別鄭司農注

引漢法唐律買奴婢牛馬立券在雜律

稟假貧人後書竇憲傳瓌坐稟假貧人徙封羅侯不得臣吏人注稟假貧人非侯家之法故坐焉虞詡傳是時長吏



二千石聽百姓謫罰者輸贖號為義錢託為貧人儲而守令因以聚斂謂上疏云尋永平章和中州郡以走卒錢給貸貧人司空劾案州及郡縣皆坐免黜今宜遵前典蠲除權制按唐律出納官物有違在廢庫 馮勤傳注朱浮坐賣弄國恩免

**郡被災害**

何武傳出為清河太守坐郡中被災害什四以上免唐律部內旱澇霜雹在戶婚二按災害至什四為重

成帝建始元年詔郡國被災十四以上毋收田租哀帝初即位詔令水所傷縣邑及他郡國災害什四以上民貧不滿十萬皆無出今年租賦下逮靈帝熹平四年亦詔令郡國遇災者減田租之半其傷什四以上勿收責蓋所傷過二三則實除減半之舊法不足以饒民太守坐此免任亦災異策免三公之例與

**皮幣率鹿皮方尺直金一斤**

孝武本紀索隱引漢律

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

刑部

漢律輯證三

桐華閣叢書

主守盜直十金棄市

陳咸傳如淳注引律薛宣傳注律條臧直十金則至重罪孟注法有主守盜斷官錢

自入己也匡衡傳劾奏衡監臨盜所主守直十金以上上可其奏勿治丞相免為庶人馮野王傳為左馮翊部督郵掾趙都案池陽令都得其主守盜十金收捕玉海漢制考漢時以金價計臧故謂十金法重不忍相暴章按唐律監臨主守自盜在賊盜

三 功臣表嗣湘成侯監益昌五鳳四年坐為九真太守盜使人出買犀奴婢臧百萬以上不道誅

行言許受賕

公羊宣元年傳注當坐取邑未之齊當坐者由律行言許受賂也十年傳齊已言取之矣其實未之

齊也疏似若漢律行言許受財之類

諸為人請賕於吏以枉法

說文賕以財物枉法相謝也而

事已行為聽行者皆為司寇

外戚恩澤侯表平丘侯王遷地節二年坐平尚書聽請受臧六百萬

自殺如淳注引律師古注有人私請求而聽受之王子侯表嗣沈猷侯受元狩五年坐為宗正聽不具宗室耐為司寇師古注

受為宗正人有私請求者聽之故於宗室之中事有不具而受獲罪史記功臣表臨汝侯灌賢元朔五年坐行賕罪國除前書

功臣表孝文十三年嗣汾陰侯周意坐行賕髡為城旦武帝建元六年嗣樂平侯衛侈坐買田宅不法有請賕吏外按唐律有



所請求受人請賕在職制二杜業傳定陵侯既出關伏罪復發  
下雒陽獄丞相史搜得紅陽侯書奏業聽請不敬坐免就國服

虞注業受立屬請為不敬

**恐獨** 獨亦作曷作喝公羊僖十四年傳是見恐曷而亡**取財** 王

侯表元狩三年平城侯禮坐恐獨取雞以令買償免侯元鼎三  
年嗣葛魁侯戚坐縛家吏恐獨受賕棄市師古曰獨以威力脅

人也賕枉法以財相謝鴻嘉三年嗣侯德天坐恐獨國人受財  
臧五百以上免侯建昭四年籍陽侯顯坐恐獨國民取財物免

晉張斐上律表有事狀相似而罪名相涉者守將  
中有惡言恐獨按唐律恐獨取人財物在賊盜三

**詐取** 功臣表孝景六年嗣侯楊毋害坐詐給人臧六百免侯元  
狩元年嗣侯酈平坐詐衡山王取金免侯按唐律詐欺官

私取財在詐偽一

**敢有盜郊祀宗廟之物無多少皆死** 尚書微子正**盜宗廟服御**

**物者棄市** 見史記張釋之傳案律盜宗廟服御物者為奏奏當  
棄市呂后本紀集解蔡邕曰律曰敢盜乘輿服御物

天子至尊不敢溲瀆言之故託於乘輿  
也按唐律盜大祀神御物在賊盜三

**盜園陵物**

御覽一百二十八引漢書宣帝地節四年任宮為太常坐盜茂陵園中物免三輔舊事漢諸陵皆屬太常

不屬郡縣其入盜柏者棄市按唐律盜園陵內草木在賊盜三

李蔡傳以丞相坐詔賜冢地陽陵當得二十畝蔡盜取三頃

頗賣得四十餘萬又盜取神道外墻地一畝當下獄自殺功臣

表元鼎四年嗣侯張拾坐入上林謀盜鹿又搏揜完為城旦外

戚恩澤表樂安侯匡衡建始四年坐額地盜土免又陽城侯田

延年坐為大司農盜都內錢三十萬自殺如淳曰天子錢藏中

都內又曰大內陳湯傳衡奏湯以吏二千石奉使額命蠻夷中

不正身以先下而盜所獲康居財物戒官屬曰絕域事不覆校

雖在赦前不宜處位外戚孝宣許皇后傳父廣漢少時為昌邑

王郎中從武帝上甘泉誤取他郎鞍以被馬發覺罪當死有詔

募下

蠶室

**搏揜**

見功臣表師古曰搏揜搏擊揜襲人財搏或作搏一曰六博也揜意錢之屬皆謂戲而取人財也元鼎四年嗣侯蔡

辟方坐搏揜完為城旦元鼎元年嗣侯黃遂坐搏揜奪公主馬

髡為城旦陳羣新律序曰雜律有博戲唐律博戲賭財物在雜

律博立一子於中央謂之

臬碁見考工記察其蓄注疏

**邊郡盜穀五十斛罪至死**

光武建武十八年詔引此令云開殘吏妄殺之路其蠲除此法同之內郡

羣盜起不發覺發覺而捕弗滿品者二千石以下至小吏主者

皆死史記楊僕傳引沈命法又見前書咸宣傳應劭曰沈沒也

敢匿盜賊者沒其命也漢舊儀御史大夫遣郡國計吏

敕問今年盜賊孰與往年得無有羣輩大賊奏上外戚恩澤表

高陽侯薛宣永始二年坐西州盜賊羣輩免杜緩為太常黃龍

中坐盜賊多免光武帝紀建武十六年遣使者下郡國聽羣盜

自相糾擿五人共斬一人者除其罪吏雖逗雷迴避故縱者皆

勿問聽以禽盜為效其牧守令長坐界內盜賊而不收捕者又

以畏懦捐城委守者皆不以為負但取獲賊多少為殿最唯蔽

匿者乃罪之於是更相追捕賊並解散唐律將吏追捕罪人在捕亡

**首匿羣盜**後書梁統傳武帝軍役數興豪桀犯禁姦吏弄法故

**首匿亡命**重首匿之科著知從之律王子侯表元康元年修故

侯福坐首匿羣盜棄市元狩元年平侯遂坐知人盜官母馬為

臧會赦復作師古曰人盜馬為臧匿之雖會赦猶復作復作者

徒役也 王子侯表元封四年畢梁侯嬰坐首匿罪人為鬼薪

元康元年嗣侯崇坐首匿死罪免唐律知情臧匿罪人在捕亡

之淮南厲王傳亡之諸侯游宦事人及舍匿者論皆有法師古

曰舍匿謂舍止而藏隱也魏志婁圭傳注坐藏亡命被繫當死

命

命

命

命

命

命



按事在建安中蓋仍漢法功臣表瀆清侯  
參天漢二年坐匿朝鮮亡虜下獄瘐死

### 首匿反者

杜延年傳治燕王獄時御史大夫桑弘羊子遷亡過  
父故吏侯史吳後遷捕得伏法會赦侯史吳自出繫

獄廷尉王平與少府徐仁雜治反事皆以為桑遷坐父謀反而  
侯史吳臧之非匿反者乃匿為隨者也即以赦令除吳罪後侍  
御史治實以桑遷通經術知父謀反而不諫爭與反者身無異  
侯史吳故三百石吏首匿遷不與庶人匿隨從者等吳不得赦

百官公卿表孝昭始元五年軍正齊王  
平子心為廷尉坐縱首匿謀反者棄市

### 所監臨部連坐

白帖張湯趙禹條定法令作放縱所監臨部連  
坐之法注云部內有罪並連坐也按唐會要八

十八鹽鐵使柳公綽奏請從今後舉名例律每有官吏  
犯臧監臨主守同罪及不能覺察者并請准條科處

### 見知故縱

張湯傳湯欲致其文丞相見知張晏注見知故縱以  
其罪罪之晉書刑法志張湯趙禹始作監臨部主見

知故縱之例其見知而故不舉劾各與同罪失不舉劾各以贖  
論其不知不見不坐按史記秦始皇本紀吏見知不舉者與同  
罪是此法非捫白張湯王子侯表嗣成陵侯德鴻嘉二年坐弟  
與後母亂其殺兄德知不舉不道下獄功臣表太初元年邳離  
侯路博德坐見知子犯逆不道罪免元鼎五年商陵侯趙周坐  
為丞相知列侯耐金輕下獄自殺昭帝紀始元四年廷尉李种

坐故縱死罪棄市百官公卿表孝昭始元三年膠西太守齊徐  
仁爲少府坐縱反者自殺朱雲傳遷杜陵坐故縱亡命會赦舉  
方正爲槐里令功臣表嗣戚侯李信成元狩五年坐爲太常  
縱丞相侵神道爲隸臣王嘉傳孝成皇帝悔之下詔書二千石  
不爲縱孟康曰二千石不以故縱爲罪  
所以優也唐律監臨知犯法在鬪訟四

**與罪人交關三日已上皆應知情**

後書孔融傳引漢律樂恢  
傳事博士焦永爲河東太守

後以事被考諸弟子皆以通關被繫注交通關涉也陳寵傳坐  
詔獄吏與囚交通抵罪前書杜業傳與丞相翟方進衛尉定陵  
侯淳于長不平方進薨業上書言方進本與長深結厚更相稱  
薦長陷大惡獨得不坐苟欲障塞前過不爲陛下廣持平例師  
古曰俱與長厚善而獨不坐是不平也清河  
王慶不舉正師傳衛訢臧盜見後書本傳

**諸囚徒私解脫桎梏鉗赭加罪一等爲人解脫與同罪**

酷吏義  
縱傳掩

定襄獄中重罪輕繫二百餘人賓客昆弟私入相視亦二百餘  
人縱一捕鞫曰爲死罪解脫是日皆報殺四百餘人服虔注引  
律按唐律與囚金刃解脫在斷獄一  
王子候表攸輿  
侯則太初元年坐篡死罪囚棄市唐律劫囚在賊盜一

**通行飲食**

後書陳忠傳故亡逃之科憲令所急至於通行飲食  
罪至大辟注通行飲食猶今律云過致資給與同罪

也史記酷吏楊僕傳盜賊滋起乃使范昆等發兵興擊斬首大部或至萬餘級及以法誅通飲食坐連諸郡甚者數千人前書尹賞傳守長安令捕長安中輕薄少年惡子數百人皆劾以通行飲食羣盜元后傳繡衣御史暴勝之等奏殺二千石誅千石以下及通行飲食者

**略賣人**

光武紀建武七年詔吏人遭饑亂及為青徐賊所略為奴婢下妻欲去雷者恣聽之敢拘制不還以賣人法從事

按此比略賣人口律罪之也功臣表元光五年嗣侯陳何坐略人妻棄市鴻嘉三年嗣蒲侯蘇夷吾坐婢自贖為民後略以為婢免按唐律略人略賣人在賊盜

四据魏新律序漢盜律有和賣買人妻息沒

**鑄偽黃金棄市**

楚元王傳如淳注引律景帝紀中六年定鑄錢偽黃金棄市律應劭曰文帝五年聽民放鑄律

尚未除先時多作偽金終不可成而徒損費轉相誑耀窮則起為盜賊故定其律也功臣表武帝元符五年嗣侯樂買之坐鑄

白金棄市

**鑄銅錫為錢敢雜以鉛鐵為他巧者其罪黥**

食貨志引律按唐律私鑄錢在雜律

一文帝後復禁鑄錢景帝立人有告鄧通盜出徽外鑄錢下吏驗問頗有遂竟案盡沒入之



敢私鑄鐵器鬻鹽者鈇左趾沒入其器物

食貨志

得遺物及放失六畜持詣鄉吏亭縣廷大物沒入公家小物自

異

周禮秋官司朝士注鄭司農引漢法按唐律得闕遺物在雜律二

無故擅入城門離載下帷

秋官士師掌國之五禁之法注鄭司農引漢法賈疏離載下帷者謂在車

離耦耦載而下帷恐是姦故禁之唐律城內街巷走車馬在雜律一城門校尉主王城十二門天官司門注引漢法

內珠入關者外

列女傳珠厓令卒官妻息送喪歸漢法內珠入關者外

胡市吏民不得持兵器及鐵出關雖於京師市買其法一也

汲黯

薄應劭注引律

馬弩關

昭紀始元五年罷天下亭母馬及馬弩關孟康曰舊馬高五尺六寸齒未平弩十石以上皆不

得出關案藝文類聚九十三引史記馬高五尺九寸以上不得出關唐律不應度關在衛禁二按此條雖未明舉律文以上條

入關出關推之知必為律文所

有故並錄焉他類此者不復出

夜行

周禮秋官司師軍禁注引漢法軍有謹囂夜行之禁司寇氏以詔夜士夜禁禁宵行者禁夜游者注夜士主行夜徼

候者如今都候之屬疏行夜來往周旋謂徼候者白帖四十八  
犯夜門霸陵亭吏呵斥廣廣騎曰故李將軍曰今將軍尚不得  
夜行何故為也文選鮑明遠放歌行注引崔實政論永甯詔鐘  
鳴漏盡洛陽城中不得有行者魏志田豫傳年過七十而以居  
位警猶鐘鳴漏盡而夜行不休是  
罪人也按唐律犯夜門在雜律一

**無故入人室宅廬舍上人車船牽引人欲犯法者其時格殺之**

**無罪**周禮秋官司土疏引鄭司農舉漢賊律按唐律無故入人家在賊盜三

**敢蠱人及教令者棄市**秋官庶氏注引賊律按唐律造畜蠱毒在賊盜二

**殺傷人所用兵器盜賊臧加責**疏加責者沒入縣官注鄭司農

**鬪以刃傷人完為城旦其賊加罪一等與謀者同罪**薛宣傳引律功臣表

嗣南安侯宣千秋孝景中元年坐傷人免王子侯表南利侯昌

地節二年坐賊殺人免唐律鬪故殺用兵刃在鬪訟馮異傳子

普嗣有罪國除注東觀記  
曰坐鬪殺游徼會赦國除

**劫質**後書橋玄傳玄少子十歲獨游門次卒有三人持杖劫執

縱國賊促令兵進玄子亦从玄乃詣關謝罪乞下天下凡有劫

質皆命殺之不得贖以財寶開張姦路詔書下其章劫質遂絕

三國魏志夏侯惇傳乃著令自今以後有持質者皆當并擊

勿顧由是劫質者遂絕注孫盛曰按光武紀建武九年盜劫陰

貴人母弟吏以不得拘質迫盜盜遂殺之也然則合擊者乃古

制也自安順以降政教陵遲劫質莫避王公而有司莫能遵奉

國憲韓浩始復斬之故魏武嘉焉据魏新律序漢盜律有持質

**奴婢射殺人棄市**光武建武十一年詔除此律

**炙灼奴婢**光武建武十一年詔敢炙灼奴婢論如律免所炙灼

又云殺奴婢不得減罪東觀漢記首鄉侯段曹曾孫勝坐殺婢國除按唐律主殺有罪奴婢在鬪訟二

**非法**前百官表元狩五年初置司直比二千石掌佐丞相舉不

侍御史掌察舉非法受公卿郡吏奏事有違失舉劾之都官從

事主察舉百官犯法者其餘郡國從事每郡國各一人主督促

文書察舉非法桓譚傳極言讖之非經帝大怒曰譚非聖無法

將下斬之丁鴻傳部署之吏無所畏憚縱行非法不伏罪辜



**誹謗詆言**

高后紀除三族臯詆言令師古注過誤之語以為誹謗

謾吏以為大逆其有他言吏又以為誹謗自今有犯此者勿聽

治師古注高后元年詔除詆言之令今此又有詆言之罪是則

中間曾復設此條也按律歷志元鳳二年丞相屬寶長安單安

國安陵栢育劾壽王吏八百石古之大夫服儒衣誦不祥之辭

作詆言欲亂制度不道下吏楊惲傳廷尉定國奏惲幸得列九

卿諸吏宿衛近臣上所信任不竭忠愛盡臣子義而妄怨望稱

引為詆惡言大逆不道請逮捕治嚴延年傳坐怨望非謗政治

不道棄市据此是文帝雖除此令而後復行之哀帝又除誹謗

詆欺之法章帝元和元年詔諸以前祆惡禁錮者一皆除之而

安帝永初四年復有諸詆言他過坐徙邊者各歸本郡之詔順

帝時趙騰上言災異有司收騰繫考黨輩八十餘人皆以誹謗  
當伏重法楊仲良通鑑長編紀事本末王安石云惠帝除挾書  
律三族令文帝除誹謗詆言除祕祝法皆蕭何法之所有按唐  
律詆言在賊盜二李燮傳以謗毀宗室輪作左校食貨志張  
湯奏當異九卿見令不便不入言而腹非論外自是後有腹  
非之比師古曰比則例也決事比見秋官大司寇鄭司農注


**不道**

張斐律表曰逆節絕理謂之不道翟方進傳不道賊注如

至更數歲十有餘歲而相告言大抵盡詆以不道前書杜延年

傳時御史大夫子遷亡過父故吏侯史吳會赦候史吳自出繫

獄議者知大將軍指皆執吳為不道延年奏記光以為吏縱罪  
 人有常法今更詆吳為不道恐於法深陳湯傳廷尉增壽議以  
 為不道無正法以所犯劇易為罪臣下承用失其中故移獄廷  
 慮無比者先以聞所以正刑罰重人命也明主哀憫百姓下制  
 書罷昌陵勿徙吏民已申布湯妄以意相謂且復發徒雖頗驚  
 動所流行者少不可謂惑眾湯稱詐虛設不然之事非所宜言  
 大不敬也據此二傳云知漢律不道非有專科讞者欲與重比  
 則以坐之故同一非所宜言陳湯傳為大不敬師丹傳為大不  
 道而楊秉韋著二人被徵不至有司並劾以大不敬樂成侯丁  
 義言立利侯且以不道棄市矣鮑宣傳宣坐距閉使者無人臣  
 禮大不敬不道宋祁曰南本無不道二字按匈奴傳下元帝即  
 以明年遣車騎都尉韓昌光祿大夫張猛送呼韓邪侍子即與  
 為盟約昌猛還奏事公卿議者以為昌猛擅以漢國世子孫  
 與夷狄詛盟令單于得以惡言上告於天羞國家傷威重不可  
 得行昌猛奉使無狀罪至不道趙充國傳是時光祿大夫義渠  
 安國使行諸羌先零豪言願時度湟水北逐民所不田處畜牧  
 肱大臣云博執左道虧損上恩以結信貴戚背君嚮臣傾亂政  
 治奸人之雄附下罔上為臣不忠不道玄知博所言非法枉義  
 兩從大不敬據已上各傳文知不道重於不敬又按馮野王傳  
 大將軍鳳風御史中丞劾奏野王賜告養病而私自便持虎符  
 出界歸家奉詔不敬杜欽奏記鳳罰疑從去所以慎刑闕難知



也今釋令與故事而假不敬之法甚違闕疑從去之意師古注假託法律而致其罪也薛宣傳博士申威給事中毀宣不供養

行喪服宣子况為右曹侍郎數聞其語賊客楊明令遮斫咸宮門外斷鼻脣身八創御史中丞眾等奏言敬近臣為其近主也

禮下公門式路馬君畜產且猶敬之上浸之原不可長也况首為惡明手傷功意俱惡皆大不敬廷尉直以為本爭私變雖於

掖門外傷咸道中與凡民爭鬪無異今以况為首惡明手傷為大不敬加詆欺輯小過成大辟陷於刑違明詔恐非法意不可

施行据此知不敬大不敬亦如不道之無正法按秋官士師職注詔司寇若今白聽正法解也是漢時聽斷獄訟各有正法

**左道**杜欽傳背經術左道大辟王商傳左將軍丹奏商執左道以亂政為臣不忠罔上不道甫刑之辟皆為上戮李尋傳

光祿勳光祿大夫與御史中丞廷尉雜治當賀良等執左道亂朝政傾覆國家誣罔主上不道皆伏誅又媚道內宰注引漢法

**劫奪**功臣表嗣侯孫襄太初元年春景國器年坐擊番禺奪人虜掠於前表中坐

**使人殺人**前書功臣表嗣侯陽戎奴元狩五年坐使人殺季父市武安侯愞元壽二年坐使奴殺人免樂侯義坐使人殺人髡

為城旦陽興侯昌坐朝私畱它縣使庶子殺人棄市富侯龍元

康元年坐使奴殺人下獄瘐死功臣表嗣侯蕭獲永始元年坐使奴殺人滅死完為城旦百官公卿表鉅鹿太守朱壽為廷尉



元鳳五年坐侍中邴元下獄風吏殺元棄市外

**謀殺人**

梁孝王傳羊勝公孫詭謀刺袁盎自殺外戚恩澤表嗣章武侯竇常生元狩元年坐謀殺人未殺免

**殺人**

外戚恩澤表軹侯薄昭孝文十年坐殺使者自殺諸侯王表嗣廣川王去本始四年坐亨姬不道廢徙王子侯表嗣

侯福太初元年坐殺弟棄市按諸表中坐殺人棄市免侯者多有略舉重者見例焉

**誣告**

宣帝元康四年詔師古注誣告人及殺傷人皆如舊法功臣表義陽侯衛山太始四年坐教人誑告眾利侯當時棄

市罪獄未斷病外後書彭城王恭傳國相趙牧誣奏恭祠祀惡言大逆不道恭上書自訟朝廷令考實無徵牧坐下獄會赦免

外孝明八王陳敬王傳愍王寵嗣國相師遷追奏前相魏愔與寵其祭天神希幸非冀罪至不道云酺等奏愔職在匡正而所

為不端遷誣告其王罔以不道皆誅死按唐律誣告反坐在鬪訟三王嘉傳故事尚書希下章為煩擾百姓證驗繫治或外

獄中章文必有敢告之字迺下師古注所以丁甯告者之辭絕其相誣也据魏新律序漢廢律有告反逮驗

**詆欺**

薛宣傳詔書無以詆欺成罪匡衡傳今司隸校尉尊妄詆欺欺加非於君方下有司問狀翟方進傳從甘泉行馳道中

司隸校尉陳慶劾奏方進沒入車馬云大中大夫平當給事中奏言方進不自責悔而內挾私恨伺記慶之從容語言以詆欺

成罪孫寶傳鄭崇下獄寶上書云天子不說制詔丞相大司空  
司隸寶奏故尙書僕射崇寃請獄治尙書令昌案崇近臣罪惡  
暴著而寶懷邪心附下罔上以春月作詆欺遂其姦心蓋國之  
賊也其免爲庶人後書陳忠傳尙書決事多違故典罪法無例  
詆欺爲先按以上各傳並舉詆欺爲罪名知詔書所云無以詆  
欺成罪必已著爲律令矣除任子令及誹謗詆欺法見哀帝紀

烈如罪... 合矣... 子合... 又... 精... 鴻... 洪... 封... 鼠... 哀... 帝... 孫...  
 應... 熾... 夫... 其... 以... 各... 其... 舉... 時... 熾... 氣... 垂... 陰... 臨... 壽... 烈... 云... 無... 以... 臨...  
 顯... 也... 其... 決... 命... 人... 到... 之... 類... 忠... 朝... 尚... 書... 好... 事... 令... 鼓... 姑... 典... 罪... 封... 麻... 封...  
 暴... 著... 而... 實... 刑... 罪... 亦... 刑... 不... 固... 土... 以... 表... 民... 新... 游... 洪... 後... 其... 姦... 少... 益... 財... 之...  
 同... 精... 實... 矣... 地... 前... 善... 業... 其... 其... 崇... 矣... 誠... 崇... 尚... 尚... 書... 命... 昌... 案... 崇... 重... 也... 罪...  
 奴... 罪... 河... 廣... 朝... 職... 舉... 而... 熾... 熾... 土... 書... 福... 天... 而... 不... 臨... 賦... 獲... 丞... 出... 大... 位... 矣...



漢律輯證四

桐華閣叢書

太史試學童能諷書九千字以上乃得為史又以六體試之課

最者以為尚書御史史書令史吏民上書字或不正輒舉劾藝文

志引蕭何律說文敘尉律學童十七以上始試諷籀書九千字云同

司空主水及罪人百官公卿表如淳注引律賈誼曰輸之司空編之徒官史記灌將軍傳劾繫都司空正義

如淳引律同都水治渠堤水門百官公卿表均官都水兩長丞如淳注引律三輔黃圖云三輔皆有都水

營軍司馬中趙充國傳如淳注律所謂營軍司馬中營軍司空軍中司空各二人

杜延年傳如淳注引律蓋主獄官也宋祁曰司空下疑有令字

都軍官長史一人衛青傳如淳注引律史記衛青傳正義引律都軍官史一人

都吏文帝紀遣都吏循行如淳注引律說都吏今督郵是也史記蕭何傳集解律有無害都吏如今言公平吏

近塞郡皆置尉百里一人士史尉史各一人巡行徼塞匈奴傳師古注

引律百官志尉大縣二人主游徼職主捕盜賊朱博傳檄到游徼王卿力有餘

如律令師古曰游徼職主捕盜賊故云如律令

太守都尉諸侯內史史各一人卒史書佐各十人史記汲黯傳如淳注引律

十里一亭亭有長周禮地官遺人疏漢法十里有亭亭有三老人皆有宮室光武紀注引前書曰秦法十里

一亭亭有長漢因之不改

月奉周禮天官甸則疏古者祿皆月別給之漢之月奉亦月給之丞相大司馬大將軍奉錢

月六萬御史大夫奉月四萬成帝紀如淳注引律真二千石月得百五十

斛歲凡得千八百石二千石月得百二十斛歲凡得一千四百

四十石汲黯傳如淳注引律宣帝神爵四年紀師古注漢制秩二千石者一歲得一千四百四十石實不滿二千石

也其云中二千石者一歲得二千一百六十石舉成數言之故曰中二千石中者滿也史記外戚世家索隱引如淳曰漢真二

千石俸月二萬按二萬是二萬斛二萬斗亦二千石也愚按衛宏漢官舊儀元朔三年以上郡西河為萬騎太守月俸二萬綏

和元年省大郡萬騎員秩以二千石居藝文類聚四十五引晉書百官志李重儀云漢法不得真秩京房爲魏郡太守以八百

石百石奉月六百宣帝紀如淳注引律宋祁曰刊誤據後漢志及師古百官表注當云律百石奉月十六斛

斗食月奉十一斛佐史月俸八斛百官公卿表注引漢官名秩簿孟子庶人在官者注若

今之斗食佐史除吏也惠帝紀如淳注律有斗食佐史百官公卿表百石以下有斗食佐史之秩是爲少吏按光武紀建武二

十六年詔有司增百官奉注引續漢志曰大將軍三公奉月三百五十斛秩中二千石奉月百八十斛二千石月百二十斛比

二千石月百斛千石月八十斛六百石月七十斛比六百石月五十五斛四百石月五十斛比四百石月四十五斛三百石月

四十斛比三百石月三十七斛二百石月三十斛比二百石月二十七斛百石月十六斛斛食月十一斛佐史月八斛凡諸受

奉錢穀各半宣帝紀神爵三年益吏百石以下奉十五韋昭曰若食一斛則益五斗

吏六百石以上父母妻子與同居及故吏嘗佩將軍都尉印將

兵及佩二千石官印者家唯給軍賦他無有所與惠帝紀高帝十三年令

吏二千石有予告有賜告高帝紀注引律予告者在官有功最法所當得也賜告者病滿三月當免



天子優賜其告使得帶印綬將官屬歸家治病至成帝時郡國二千石賜告不得歸家至和帝時予賜皆絕師古曰告者請謁之言謂請休耳或謂之謝謝亦告也按衛綰傳上廢太子誅栗卿之屬以綰為長者不忍乃賜綰告歸而使郅都治捕栗氏此不因病而賜告以區別於罷歸者馮野王傳懼不自安遂病滿三月賜告與妻子歸杜陵就醫藥大將軍鳳風御史中丞劾奏野王賜告養病而私自便持虎符出界歸家奉詔不敬杜欽時在大將軍幕府奏記於鳳為野王言曰竊見今日吏二千石告過長安謁不分別予賜今有司以為予告得歸賜告不得歸是一律兩科失省刑之意夫三最予告令也病滿三月賜告詔恩也令告則得詔恩則不得失輕重之差又二千石病賜告得歸有故事不得去郡無著令谷永傳故事公卿病輒賜告至永獨即時免元帝紀永光五年潁川水出流殺人民吏從官縣被害者予告師古注言凡為吏為從官其本縣有被害者皆與休告

吏二千石過長安謁白帖四十三引漢令注二千石以上告歸歸甯道不過行在所者便道之官無辭馮野王傳如

吏五日得一下沐初學記二十白帖四十三御覽六百三十四

引漢律言休息以洗沐也楊惲傳晉灼注五日一洗沐薛宣傳宣出教曰蓋禮貴和人道尚通日至吏以令休所繇來久曹雖有公職事家亦望私恩意掾宜從眾歸對妻

子設酒肴請鄰里壹矣爲樂

**上計**周禮春官典路注漢朝上計律陳屬卓於廷天官疏漢之

大計計官之長若今尚書疏漢之尚書亦主大計地官疏漢時考吏謂之計吏據其使人也言計簿據其文書也禮記射義諸侯歲獻貢士於天子注歲獻國事之書及計借物也正義漢時謂郡國送文書之使爲計吏其貢獻之物與計吏俱來故謂之計借物也前書武帝紀太初元年春還受計於甘泉師古曰受郡國所上計簿也若今諸州計帳元光五年徵吏民有明當時之務習先聖之術者縣次續食令與計借師古曰計者上計簿使也郡國每歲遣詣京師上之借者俱也令所徵之人與上計者俱來而縣次給之食後世訛誤因承此語遂總謂上計爲計借秋官小行人注引漢法計吏斷於九月愚按盧植禮注曰計斷九月因秦以十月爲正故續漢書百官志歲盡遣吏上計明帝永平九年詔令司隸校尉部刺史歲上墨綬長吏視事三歲已上理狀尤異者各一人與計借上又漢法有日計月計見天官宰夫注章帝紀安靜之吏惴惴無華日計不足月計有餘功臣表眾利侯郝賢元狩二年坐爲上谷太守入戍卒財物計謾免師古曰上財物之計簿而欺謾不實貢禹傳郡國擇便巧史書習於計簿能欺上府者以爲右職宣帝黃龍元年詔上計簿具文而已務爲欺謾以避其課御史察計簿疑非實者按之

桓帝時計吏多留拜為郎楊秉  
言宜絕橫拜以塞覬覦見本傳

**臧吏禁錮**

按文帝時賈人贅壻及吏坐臧者皆禁錮不得為吏  
安帝初叔孫光坐臧抵罪遂增錮二世釁及其子是

時居延都尉范邠復犯臧罪詔下三公廷尉議司徒楊震司空  
陳褒廷尉張皓議依光比太尉劉愷獨以為春秋之義善善及

子孫惡惡止其身如令使臧吏禁錮子孫以輕從重懼及善人  
非先王詳刑之意有詔太尉議是永初中陳忠上言解臧吏三

世禁錮事皆施行 殤帝延平元年詔自建武以來諸  
犯禁錮詔書雖解有司持重多不奉行其皆復為平民

**吏及諸有秩受其官屬所監所治所行所將其與飲食計償費**

勿論師古注計其所費而 它物若買故賤賣故貴皆坐臧為盜  
償其直勿論罪也

**沒入縣官**

謂非飲食者 吏遷徙免罷受其故官屬所將監治送

**財物奪爵為士伍免之**

師古曰謂奪其爵令為士伍又無爵罰  
免其官職即今律所謂除名也

**金二斤令沒入所受有能捕告畀其所受臧**

景帝紀元年七月  
詔更議著令師古

曰帝以為當時律條吏受所監臨賂遺飲食即坐免官爵於法  
大重而受所監臨財物及賤買貴賣者論法太輕故令更議改



之功臣表清安侯申屠典元鼎元年坐爲九江太守受故官送  
免太始四年嗣侯任當干坐賣馬一匹賈錢十五萬過平臧五  
百已上免薛宣傳櫟陽令賊取錢財數十萬給爲非法賣買聽  
任富吏賈數不可知證驗以明白欲遣吏考案白孔六帖鍾離  
意爲郡督郵縣亭長有受人酒禮郡下法記治之意封記曰政  
化自近及遠宜先清府內闊略遠縣微細之愆王吉爲沛相有  
微過酒食爲臧者數十年猶加貶斥注其名籍也按唐律監臨  
受供饋去官受舊官屬財物在職制三臧百萬以上爲不道  
爲狡狴不道見功臣湘  
成侯表王尊陳湯傳

### 廢格詔書

史記平準書索隱格音閣亦如字謂廢格天子之命

棄市索隱引崔浩云詔書募擊匈奴而被壅逼應募者漢律所  
謂廢格案梁孝王傳如涪注謂被閣不行也音各義縱傳楊可  
方受告緡縱以爲此亂民部吏捕其爲可使者天子聞使杜式  
治以爲廢格沮事棄縱市袁宏後紀建武四年吳漢劾朱祐云  
秦豐狡狴連年固守當伏誅滅以謝百姓祐不卽斬截以示四  
方而廢詔命聽受豐降大不敬章帝紀詔書旣下勿得稽留陽  
球傳順帝敕尙書不得稽留尺一唐律稽緩制書在職制一按  
稽緩卽閣也楊仲良長編紀事本末吳奎奏云臣雖至愚豈不  
知廢格詔書獲罪至重此漢時律文猶存於宋之證功臣表  
元鼎二年嗣侯蟲皇柔爲汝南太守知民間不用赤側錢爲賦

為鬼薪師古注時並令以充賦而汝南不遵詔令按唐律違令在雜律一 元朔元年嗣侯翟不疑坐挾詔書論耐為司寇師

古注詔書當奉持之而挾以行故為罪也夏侯勝傳丞相義御史大夫廣明劾奏勝非議詔書毀先帝不道下獄

**非所宜言** 樂非所宜言事下廷尉陳湯傳丞相御史奏湯惑眾

不道妄稱詐歸異於上非所宜言大不敬師丹傳劾奏宏知皇太后至尊之號而稱引亡秦以為比喻註誤聖朝非所宜言大

不道元后傳上使尚書劾奏章知野王以王舅出補吏而私薦之欲令在朝阿附諸侯又知張美人體御至尊而妄稱引羌胡

殺子蕩腸非所宜言王莽傳徵博下獄以非所宜言棄市按史記叔孫通傳二世令御史案諸生言反者下吏非所宜言漢蓋

承秦律也昌邑故王賀以非所宜言削戶三千匡衡張譚劾石顯卑君尊臣非所宜稱失大臣體後書郵憚傳臣敞謬預機密

言所不宜罪名明白當填牢獄 梁沈約奏彈孔橐肆此醜言比物連類非所宜稱云見初學記廿四是六朝時猶用漢律文

**不當得為** 昌邑王傳昌邑哀王歌舞者十人王薨當罷歸太傅

當然酷吏田延年傳奏言商賈或豫收方上不祥器物冀其疾用欲以求利非民臣所當為請沒入縣官蕭望之傳諸盜及殺

人犯不道者百姓所疾苦也皆不得贖首匿見知縱所不當得為之屬議者或言其法可蠲除今因此令贖其便明甚尚書大

傳非事之事入不以道義誦不祥之辭者其刑墨注非事而事之今所不當得為也愚按誦不祥之辭當即非所宜言然則此律之由來久矣唐律不應得為在雜律二史記淮南王傳乃陰聚徒黨及謀反者厚養亡命欲以有為臣等議論如法

**矯詔大害** 矯詔害矯詔不害 馮奉世傳春秋之義亡遂事漢家之法有矯制師古注漢家之法擅

矯詔命雖有功勞不加賞也景武功臣表太初元年浩侯王恢坐使酒泉矯制害當外戚恩澤表元鼎元年宜春侯衛伉坐矯制不詔害矯詔不害外戚恩澤表元鼎元年宜春侯衛伉坐矯制不害免灌夫傳矯先帝詔害棄市終軍傳元鼎中博士徐偃使行風俗使膠東魯國鼓鑄鹽鐵御史大夫張湯劾偃矯詔大害法至外 宣詔有誤當罰金按唐律受制忘誤在職制一

**專擅** 任延傳拜武威太守後坐擅誅羌不先上左轉召陵令梁擅抵罪見本傳功臣表元狩二年從平侯公孫戎奴坐為上黨

太守發兵擊匈奴不以聞免元封元年嗣侯黎扶坐為東海大守行過擅發兵為衛當斬會赦免按唐擅興律有擅發兵征和四年嗣侯多卯坐與歸義趙文王將兵追反虜到弘農擅棄兵還贖罪免按唐擅興律有主將臨陳先退元光二年嗣侯繒它坐射擅罷免師古曰方大射擅自罷去也按唐擅興律有校閱違期王子侯表初元五年祚陽侯仁坐役使附落免師古曰有聚落來關內侯元康元年江陽侯仁坐役使附落免師古曰有聚落來



輒役使之非法制也百官公卿表元鼎五年陽平侯杜相為  
 太常坐擅繇大樂令論師古曰擅役使人也按唐擅興律有私  
 使丁夫雜匠後書王望傳行部道見飢者裸行草食因以便  
 宜出所在布粟給其廩糧為作褐衣事畢上言公卿皆以為望  
 之專命法有常條鍾離意獨曰昔華元子反楚宋之良臣不稟  
 君命擅平二國春秋之義以為美談今望懷義忘罪當仁不讓  
 若繩之以法忽其本情恐乖聖朝愛育之旨帝赦而不  
 罪据魏新律序漢具律有擅作修舍與律有擅興徭役

**上書**

蕭望之傳事下有司復奏望之前所坐明白無譖訴者而  
 教子上書稱引亡辜之詩失大臣體不敬請逮捕劉德傳

子向坐鑄偽黃金當伏法德上書訟罪會薨大鴻臚奏德訟子  
 罪失大臣體不宜賜諡置嗣江都易王傳男子荼恬受人錢財  
 為上書論棄市按唐律封制上書不以實在詐偽一王子侯表  
 張侯嵩神爵二年坐賊殺人上書要上下獄瘕舛師古曰要上  
 者怙親而不服罪也富陽侯賜建昭二年釐鄉侯固鴻嘉四年  
 竝坐上書歸印綬免功臣表嗣侯華當元朔二年坐教人上書  
 枉法耐為鬼薪王子侯表温水侯安國本始二年坐上書為詖言會赦免

**舉奏非是**

蓋寬饒傳饒坐舉奏大臣非是左遷為衛司馬師古  
 注非是不以實也陳湯傳湯坐言事非是幽囚久繫

歷時不決執憲之吏欲致之大辟功臣表元狩二年隨城侯趙  
 不虞坐為定襄都尉匈奴敗太守以聞非實謾免史記索隱謂

上聞天子狀不實為謾按唐律奏事不實在詐偽一淮陽王  
欽傳王舅張博數遺王書所言悖逆無道王不舉奏而多與金  
錢幸至不赦唐律事應奏不奏在職制二平當傳成帝既罷  
昌陵以長首建忠策復下公卿議封長當又以為長雖有善言  
不應封爵之科坐前議  
不正左遷鉅鹿太守

### 故縱故不直

功臣表晉灼注律說出罪為故縱入罪為故不直

守故劾十人罪不直免侯元鼎二年嗣侯嚴青翟坐為丞相建  
御史大夫湯不直自殺師古曰以獄建之意而不直也張敞傳  
臣做賊殺無辜鞫獄故不直雖伏明法从無所恨按秦始皇本  
紀三十四年適治獄吏不直者築長城及南方越地漢蓋用秦

律文

### 鞫獄不實

功臣表新時侯趙弟太始三年坐為太常鞫獄不實

又坐賊殺不辜鞫獄故不以實擅斥除騎士乏  
軍興數罪按唐律官司出入人罪在斷獄二

### 度田不實

光武紀河南尹張伋及諸郡守十餘人坐度田不實

皆下獄从劉隆傳是時天下墾田多不以實又戶口  
年紀互有增減詔下州郡檢覈其事而刺史太守多不平均於  
是遣謁者考實具知姦狀隆坐徵下獄其疇輩十餘人皆从以


隆功臣特免為庶人酷吏李章傳坐度人田不實以章有功但  
司寇論月餘免刑歸晉書傅玄傳上便宜五事其首以二千石  
雖奉務農之詔猶不勤心以盡地利昔漢氏以墾田不實徵殺  
二千石以十數臣愚以為宜申漢氏舊典以警戒天下郡縣皆  
以从刑  
督之

**選舉不實**

漢官儀曰建初八年十二月己未詔書辟士四科云  
自今以後審四科辟召及刺史二千石察舉茂才尤

異孝廉吏務實校試以職有非其人不習曹事正舉者故不以  
實法也後書明帝紀帝即位詔曰今選舉不實邪佞未去權門  
請託殘吏放手有司明奏罪名并正舉者實融傳戴涉坐所舉  
人盜金下獄胡廣傳為濟陰太守以舉吏不實免前書功臣表  
元朔五年山陽侯張當居為太常坐選子弟故不以實完為城  
旦太子太傅張譚為御史大夫竟甯元年坐選舉不實免元帝  
初元二年詔列侯舉茂才富平侯張勃舉湯坐選舉故不以實  
削戶二百見陳湯傳杜業傳司隸奏業為太常選舉不實坐免  
官白帖舉主門嚴延年察獄吏廉會其吏有臧不入身坐舉不  
實貶秩元延元年詔舉方正紅陽侯立舉陳咸方進奏咸不當  
舉方正并奏立選舉故不以實見翟方進傳後書呂強傳舊典  
選舉委任三府三府有選參議掾屬咨其行狀度其器能受試  
任用責以成功若無可察然後付之尚書尚書舉劾請下廷尉  
覆案虛實行其誅罰觀此知并正舉者為漢舊法久而廢弛至





有如楊倫傳所云任嘉所坐狼藉未受辜戮而改典大郡者此等非案坐舉主無以禁絕姦萌明章二帝特申舊令耳楊倫言昔齊威之霸殺姦臣五人并及舉者以弭謗讞貢禹言守相選舉不以實及有臧者輒行其誅亡但免官是貶秩削戶尚為輕典也魏志何夔傳可修保舉故不以實之令上以觀朝臣之節下以塞爭競之原白帖四十三平帝詔諸有臧及內惡未發而薦舉者不案驗按唐律貢舉非其人在職制一保任不如所任在詐偽一武帝詔議不舉孝廉者罪有司奏議曰不舉孝不奉詔當以不敬論不察廉不勝任也當免奏可見本紀吏六百石者不得復舉為廉吏見孝宣本紀韋昭注順帝陽嘉四年太尉施延以選舉貪汙免見袁紀

**稟貧不實**

後書魯丕傳拜陳畱太守坐稟貧人不實司寇論

**奕弱不勝任**

孫寶傳廣漢羣盜起遷為益州刺史廣漢太守軟弱不勝任免酷吏尹賞傳丈夫為吏正坐殘賊免追思其功效

得悔過自出遣歸田里自劾矯制奏商為亂首師古注由商不任職故有賊盜故云亂首也王尊傳尊子伯亦為京兆尹坐奕弱不勝任免酷吏尹賞傳丈夫為吏正坐殘賊免追思其功效則復進用矣一坐軟弱不勝任免終身廢棄無有赦時其羞辱甚於貪汙坐臧賈誼陳政事疏坐罷軟不勝任者不曰罷軟曰下官不職外戚恩澤表博山侯孔光建平二年坐眾職廢免

過律

功臣表嗣東茅侯劉告孝文十六年坐事國人過員免師

古注事役使之員數也嗣信武侯靳亭嗣祝阿侯高成孝

文後三年坐事國人過律免嗣武原侯衛不害孝景後二年坐

葬過律免王子侯表旁光侯殿坐貸子錢不占租取息過律會

赦免師古注以子錢貸人律合收租匿不占取息利又多陵鄉

侯訢建始二年坐使人傷家丞又貸穀息過律免王莽傳公卿

入宮吏有常數太

傅平晏從吏過例

左官 諸侯王表武有衡山淮南之謀作左官之律服虔曰仕於

附之臣注設左官者人道尚右舍天子而事諸侯為左官愚按

周昌傳昌泣曰臣初起從陛下奈何中道而棄之於諸侯乎高

祖曰吾極知其左遷云仕諸侯王為左官漢初已然矣兩龔傳

王國人不得宿衛彭宣傳李奇注引漢制王國人不得在京師

武帝所設之律當即此類功臣表薛瓌坐受淮南王賂上書

稱臣在赦前免侯有利侯釘嗣侯鄂但竝坐稱臣淮南王棄市

嚴助傳淮南王來朝厚賂遺助及淮南反事與助相連廷尉張

湯以為助出入禁門腹心之臣而外與諸侯交私不誅後不可

治助竟

棄市

附益

諸侯王表設附益之法注封諸侯過限曰附益匡衡傳衡

位三公領計簿而背法制專地盜土以自益及賜明阿承

衡意猥舉郡計亂滅縣界附下罔上擅以地附  
益大臣皆不道据魏新律序漢賊律有踰封

**阿黨阿附**

外戚恩澤表汝昌侯傳商元壽元年坐外附諸侯免  
師古注外附謂背正法而附私家高五王傳贊張晏

注諸侯有罪傅相不舉奏爲阿黨按魏志楚王彪傳彪之官屬  
以下及監國謁者坐知情無輔導之義皆伏誅蓋承用漢法光  
武紀建武二十四年詔有司申明舊制阿附蕃王法注引前書  
音義曰阿曲附益王侯者將有重法韓稜傳稜孫演桓帝時爲  
司徒大將軍梁冀被誅演坐阿黨抵罪以減舛論黃瓊傳梁冀  
被誅太尉胡廣司徒韓續司空孫朗皆坐阿附免廢袁安傳拜  
楚郡太守不入府先往案獄理其無明驗者條上出之府丞掾  
史皆叩頭以爲阿附反虜法與同罪傳又云安幼司隸校尉河  
南尹阿附貴戚無盡節之義請免官案罪馮石劉喜以阿黨閭  
顯江京等順帝時策免見馮魴傳鄭眾傳太子儲君無外交  
之義漢有舊防蕃王不宜私通賓客禮月令鄭注阿  
黨謂治獄吏以私恩曲撓相爲也按疑此亦當時律說  
**更相薦舉**白帖賈捐之與長安令楊興相善捐之薦興可試守  
京兆興答云我若得見言君房石顯奏捐之興懷詐  
更相薦舉請論如律捐之棄市按言如律者如更相薦舉之舊  
律也漢書作請論如律法卽律何武舉將軍公孫祿可輔政祿  
亦舉武有司劾奏互相稱舉皆免華陰丞嘉言朱雲兼資文武  
可試守御史大夫匡衡以爲大臣國家股肱明主慎擇嘉小生



狂言妄相舉薦嘉竟坐後書馬嚴傳典郡四年坐與宗正劉軼少府丁鴻等更相屬託徵拜太中大夫翟酺傳權貴共誣酺及尚書令高堂芝等交通屬託坐減死歸家

州郡不得迫脅驅逐長吏長吏臧滿三十萬而不糾舉者刺史

二千石以縱避為罪若有擅相假印綬者與殺人同棄市論帝

建和元年詔按唐律詐假官假與人官在詐偽一

漏洩元帝建昭二年淮陽王舅張博魏郡太守京房坐窺道諸侯王以邪意漏洩省中語博要斬房棄市孔光傳詔書侍

中駙馬都尉遷巧佞無義漏洩不忠國之賊也免歸故郡百官公卿表孝成河平中楚相齊宋登為京兆尹貶為東萊都尉坐

漏洩省中語下獄自殺劉向傳不宜宣泄臣謹重封昧死上楊賜傳不敢自同凡臣括囊避咎謹自手書密上陳萬年傳於是

石顯微伺知之白奏咸漏洩省中語下獄掠治滅从髡為城旦師丹傳丹使吏書奏吏私寫其草丁傅子弟使人上書告丹上

以問將軍中朝臣皆對以大臣奏事不宜漏洩令吏民傳寫流聞四方廷尉劾丹大不敬給事中博士申咸快欽上書言丹發

憤懣奏封事不及深思遠慮使主簿書漏洩之過不在丹以此貶黜恐不厭眾心鄭弘傳奏尚書張林阿附竇憲又上洛陽令

楊光憲之賓客在官貪殘書奏吏與光故舊因以告之光報憲  
憲奏引大臣漏洩密事帝詰讓引收上印綬引自詣廷尉按唐  
律漏洩大事在職制一百官公卿表元鳳四年蒲侯蘇昌爲太  
常後坐籍霍山書洩秘書免師古注以秘書借霍山顧亭林駁  
之云蓋籍沒霍山之書中有秘記當  
密奏之而輒以示人故以宣泄罪之

**誣罔**

**欺謾**

鄭司農周禮爲邦誣注誣罔君臣使事失實蓋漢  
律語夏陽人成方遂詐稱衛太子誣罔不道要斬

見雋不疑傳武帝紀元鼎五年樂通侯欒大坐誣罔要斬始元  
元年司隸校尉雒陽李仲季主爲廷尉坐誣罔下獄棄市兩龔  
傳丞相王嘉上書薦故廷尉梁相等尚書劾嘉言事恣意迷國  
罔上不道後書楊震傳河間男子趙騰上書指陳得失帝發怒  
收考詔獄結以罔上不道王子侯表甘露四年新利侯偃坐上  
書謾免涉侯綰坐上書謾耐爲鬼薪薛宣傳遂冊免宣曰云迺  
者廣漢羣盜橫恣殘賊吏民朕數問君君對輒不如其實西州  
鬲絕云詔君案驗復無欲得事實之意九卿以下同時陷於謾  
欺之辜然絲君焉 据魏新三平論曰云罔上不道要斬  
律序云漢賊律有欺謾詐僞

**刺探尚書事**

周禮邦灼鄭司農注斟酌盜取國家密事若今刺  
探尚書事疏漢尚書掌機密後書楊倫傳尚書奏

倫探知密事微以求 四平坐出園畏懼爲同家也引去併到李  
直坐不敬結鬼薪 坐盜機密會賊免亂奏王平對奏

**擅離部署**

王尊傳坐擅離部署會赦免歸家王子侯表嗣楊邛侯偃孝景四年坐出國界耐為司寇功臣表刑侯李

壽坐為衛尉居守擅出長安界送海西侯至高橋又使吏謀殺方士不道誅嗣終陵侯華祿坐出界耐為司寇唐律刺史縣令

私出界在職制 王子侯表祝茲侯延年坐棄印綬出國免功臣表嗣下摩侯冠支神爵三年詔居弋居山坐將家屬闌入

惡師居免師古曰惡師地名有官所置居室

**不合眾心** 外戚表高安侯董賢元壽二年坐為大司馬不合眾心免自殺何武傳哀帝亦欲改易大臣遂策免武曰

君舉錯煩苛不合眾心

**詐病** 功臣表嗣侯韓釋之元朔四年坐詐疾不從往耐為隸臣後書何倣傳以祠廟嚴肅微疾不齋中常侍蔡倫奏倣詐

病坐抵罪唐律詐疾病有所避在詐偽一 後漢書百官志注引蔡質漢儀曰正月旦百官朝賀光祿勳劉嘉廷尉趙世各辭

不能朝高賜舉奏皆以被病篤困空文武之位闕上卿之贊云不謹不敬請廷尉治嘉罪河南尹治世罪

**免罷守令非詔徵不得妄到京師** 後書蘇不韋傳引漢法

**三五** 後書蔡邕傳初朝議以州郡相黨人情比周乃制婚姻之家及兩州人士不得對相監臨至是復有三互法禁忌轉

後書蔡邕傳初朝議以州郡相黨人情比周乃制婚姻之家及兩州人士不得對相監臨至是復有三互法禁忌轉



密選用艱難賢注三互謂婚姻之家及兩州人不得交互爲官也謝承書曰史弼選山陽太守其妻鉅野薛氏女以三互自上轉拜平原相是也

**賦卹非實**

獻帝紀興平元年穀一斛五十萬豆麥一斛二十萬日而死者無數帝疑賦卹有虛親於御坐前量試乃知非實於是尙書令以下皆詣省閣謝奏收侯汶考實詔曰不忍致汶於理可杖五十

**內臣外交**

魏志卷一注引司馬彪續漢書曹騰字季興少除黃門從官遷至中常侍大長秋蜀郡太守因計吏修敬於騰益州刺史种暲於函谷關搜得其牋上太守并奏騰內臣外交所不當爲請免官治罪



漢律輯證五

桐華閣叢書

諸侯朝天子春朝天子曰朝秋曰請

史記寶嬰傳集解引律又見前書吳王濞傳孟康注

王子侯表重侯擔元狩二年坐不使人為秋請免功臣表翁侯邯鄲坐行來不請長信免如淳曰長信太后所居也史記王子

侯者表元狩六年建成侯劉拾坐不朝不敬國除按前書此表作元鼎二年坐使行人奉璧皮薦賀元年十月不會免諸侯

王朝見天子凡當四見始到入小見到正月朔旦奉皮薦璧賀正月法見後三日為王置酒賜金錢財物後二日復入小見辭

去見史記梁孝王世家引漢法

輒敢擅議宗廟者棄市

韋元成傳引高后時定令霍光傳如淳注案漢元帝改制蠲除之成帝以無繼

嗣又復擅議宗廟之令徐天麟謂貢禹建迭毀議在元帝剛除此令之後後書明帝遺詔敢有所興作者以擅議宗廟法從事

祠為宗廟丹書告

說文糸部絳下引漢律

諸侯王通侯常以十月朝獻及郡各以其口數率人歲六十三

錢以給獻費

高帝紀十一年二月詔令

酒粟獻費是曰五民且非西八民



**酎金**

史記孝文本紀高廟酎集解張晏曰正月旦作酒八月成名曰酎酎之言純也武帝時因八月嘗酎會諸侯廟中出

金助祭所謂酎金也按後書禮儀志注引丁孚漢儀曰酎金律文帝所加疑非皇帝齊肅親帥羣臣承

祠宗廟羣臣宜分奉請諸侯列侯各以民口數率千口奉金四

兩奇不滿千口至五百口亦四兩皆會酎少府受又大鴻臚食

邑在九真交阯日南者用犀角長九寸以上若玳瑁甲一鬱林

用象牙長三尺以上若翡翠各二十準以當金

後書禮儀志注引漢律金布令

章帝紀注引作丁孚漢儀式按史記平準書注如淳曰漢儀注

侯歲以戶口酎黃金獻於漢廟皇帝臨受獻金以助祭大祠曰

飲酎飲酎受金少不如斤兩色惡王削縣侯免國武帝紀元鼎

五年列侯坐獻黃金酎祭宗廟不如法奪爵者百餘人王子侯

表五鳳四年嗣朝侯固城坐酎金少四兩免地節四年襄隄侯聖坐奉酎金斤八兩少四兩免卑者之子不得舞宗廟之酎除吏二千石到六百石及關內侯到五大夫子取適子高五尺以上年二十到三十顏色和身體

修治者以為舞人

周禮春官大胥鄭注引漢大  
樂律漢書續百官志引律同

乏祠

功臣表太初二年睢陵侯張昌坐為太常乏祠免師古曰  
祠功事有闕也百官公卿表元封五年成安侯韓延年為太

常坐畱外國使八月入粟贖論宋祁曰以景武功  
臣表考之坐行大行令事畱外國書六月乏興

不如令

功臣表元狩六年嗣侯欒賁坐為太常犧牲不如令免  
外戚恩澤表天漢元年嗣侯石德坐為太常失法罔上

祠不如令完為城旦百官公卿表元封四年鄼侯蕭壽成為太  
常坐犧牲不如令論按唐律大祀犧牲不如法在廢庫一功

臣表孝景二十一年嗣侯蕭勝坐不齋耐為隸臣師古曰謂當  
侍祠而不齋也按史記孝文本紀諸侯王列侯使者侍祠天子

歲獻祖宗之廟集解張晏曰王及列侯歲時遣使侍嗣助祭也  
如淳曰不使王侯祭者諸侯不得祖天子也今据此表是列侯

親侍祠或指八月嘗酎會諸侯廟中而言百官公卿表元狩五  
年衛尉充國坐齋不謹棄市元朔二年蓼侯孔臧為太常坐南

陵橋壞衣冠道絕免元朔六年繩侯周平為太常坐不繕園陵  
免後元二年當塗侯魏不害坐為太常孝文廟風發瓦免孝昭

始元六年轅陽侯江德為太常坐廟郎夜飲失火免按唐律山  
陵兆域內失火在雜律二功臣表孝武後二年稭侯商臣成坐

為詹事侍祠孝文廟醉歌堂下大不敬自殺元鼎二年嗣侯任  
越人坐為太常廟酒酸免太始四年嗣侯靳石坐為太常行幸

離宮道橋苦惡赦免百官公卿表武彊侯嚴青翟為御史大夫  
建元四年坐竇太后喪不辦免張湯傳人有盜發孝文園瘞錢  
丞相嚴青翟自殺外戚恩澤表嗣侯王  
況綏和二年坐山陵未成置酒歌舞免

見婢變不得侍祠說文女部引漢律

祠祀司命說文示部引漢律 祭功臣於廟庭地官司勳注引漢法

祕祝蕭何律有此史記孝文本紀十三年夏上曰百官之非宜由朕躬今祕祝之官移過於下以彰吾之不德朕甚不取其除

諸出入殿門公車司馬門乘輶傳者皆下不如令罰金四兩史記

張釋之列傳如淳往引宮衛令外戚恩澤表嗣侯魏宏嗣侯丙顯甘露元年坐酎宗廟騎至司馬門不敬削爵一級為關內侯

韋元成傳以列侯侍祠孝惠廟當晨入廟天雨淖不駕駟馬車而騎至廟下有司劾奏削爵為關內侯

諸使有制得行馳道中者行旁道無得行中央三丈鮑宣傳如淳注引令

騎乘車馬行馳道中已論者沒入車馬被具江充傳如淳注引令乙翟方進傳從



上甘泉行馳道中司隸校尉  
陳慶劾奏方進沒入車馬  
太子得絕馳道  
成帝紀引元帝令

所行道也若今之中道師古曰絕橫度也功  
臣表嗣侯昭涉昧元狩五年坐行馳道中免

**闌入宮掖**  
說文門部闌妄入宮掖也讀若闌按儀禮士虞禮主  
婦亦拜賓疏漢時宮中掖門在東西功臣表嗣侯曹

宗征和二年坐與中人姦闌入宮掖門入財贖完為城旦嗣侯  
王當元封元年坐闌入甘泉上林免外戚恩澤表嗣侯衛伉太

初五年坐闌入宮完為城旦外戚上官皇后傳充國為太醫監  
闌入殿中下獄當死白帖王嘉以射策甲科為郎坐戶殿門失

闌免注戶止也時有闌入殿門而嘉失之不止也按唐律闌入  
宮門闌入非御在所並在衛禁一路粹枉奏孔融云禿巾微行

唐突宮掖見融傳外戚恩澤表嗣武安  
侯恬元朔三年坐衣襜褕入宮不敬免

**無引籍不得入宮司馬殿門**  
周禮天官宮正鄭司農注引漢法  
賈疏言引籍者有門籍及引人乃

得出入也司馬殿門者漢宮殿門每門皆使一人守門比二千  
石皆號司馬殿門元紀令從官給事宮司馬中者得為大父母

父母兄弟通籍應劭曰籍者為二尺竹牒記其年紀名字物色  
縣之宮門案省相應乃得入也顏師古曰司馬門者宮之外門

也衛尉有入屯衛候司馬主衛士徼巡宿衛每面各一司馬故  
謂宮之外門為司馬門竇嬰傳太后除嬰門籍不得朝請梁孝

王傳梁之侍中郎謁者著引籍出入天子殿門與漢宦官無異周禮闈人王宮之中門之禁注中門於外內為中若今宮闕門

唐律無著籍入宮殿在衛禁

**衛宮** 胡廣傳延熹二年大將軍梁冀被誅廣與司徒韓續司空孫朗坐不衛宮皆減死一等奪爵土免為庶人唐律宿衛

上番不到在衛禁

**蹕先至而犯者罰金四兩** 張釋之傳如淳注引乙令天官宮正凡邦之事蹕注若今衛士填街蹕也

賈疏漢儀大駕行幸使衛士填塞街巷以止行人備非常也按漢時又有執金吾及令尉為帝奉引見小司寇鄭司農注一

**人犯蹕當罰金** 史記張釋之傳錢氏大昕三史拾遺云此律文二人以上則罪當加等漢書作此人於義為短

功臣表嗣侯丙信建元三年坐出入屬車間免師古曰天子出行陳列屬車而輒至於其間東觀漢記吳良上言信陽侯驕

慢于突車騎大不敬按唐律車駕行衝隊在衛禁 三公出城郡督郵盜賊道見士師注

**吏卒不得繫馬宮門樹** 初學記二十四崔寔引永平中詔据魏新律序漢賊律有賊伐樹木

**及其門首洒漑** 說文水部引漢律

乘傳騎驛而使秋官行人掌邦國傳遽之小事注引漢法諸當乘傳者及發駕置傳

者皆持尺五寸木傳信封以御史大夫印章其乘傳者參封之

參三也有期會累封兩端端各兩封凡四封乘置馳傳者五封

之兩端各二中央一也輶傳兩馬再封之一馬一封也平帝紀注引律

衛宏漢官舊儀丞相刺史常以秋分行部御史為駕四封行傳又丞相設四科之辟其以詔使案事御史為駕一封行赦令

駕二封四馬高足為置傳四馬中足為馳傳四馬下足為乘傳一

馬二馬為輶傳急者乘一乘傳高帝紀如淳注引律鹽鐵論注引同師古曰傳者若今之驛古

者以車謂之傳車其後又單置馬謂之驛騎史記索隱引如淳云律四馬高足為傳置四馬中足為馳置下足為乘置一馬二

馬為輶置急乘一馬曰乘也按廣雅云置驛也續漢書云驛馬三十里一置故樂彥亦云傳置一也言乘傳者以傳次受名乘

置者以馬取匹傳按平帝元始五年徵天下通知逸經古記天文麻算鍾律小學史篇方術本草及以五經論語孝經介雅教

授者在所為駕一封輶傳馬總意林引傳玄曰漢世賤輶車而今貴之小車蓋上蕤見儀禮既夕禮齊注疏云漢時小車蓋



上有鞆在蓋之中央漢法小車有蓋駢車無蓋見春官巾車疏  
据魏新律序漢有廐置律後漢但設騎置而無車馬律為虛設

**船方長為舳艫**說文舟部引漢律按唐律節船不如法在雜律

**使節稱漢**春官典瑞珍圭注引漢法使者持節禮王藻凡君召以三節注今漢使者擁節通典八十四魏劉劭皇后

銘旌議據漢律使節稱漢今魏使節亦稱魏按据此可證凡稱漢法者為漢律文帝初與郡守為銅虎符竹使符

**持喪葬築蓋嫁取卜數文書使民倍禮違制**王制假於鬼神時

法李尋傳成帝時齊人甘忠可詐造天官曆包元太平經十二卷言天帝使真人赤精子下教我此道中壘校尉劉向奏忠

可假鬼神罔上惑眾下獄治服唐律造祿書在賊盜二

**不為親行三年服不得選舉**楊雄傳注引漢律哀帝紀博士弟子父母歿子甯三年後書劉愷

傳元初中鄧太后詔長吏以下不為親行服者不得典城選舉時有上言牧守宜同此制詔下公卿議者以為不便

**人從軍屯及給事縣官者大父母歿未滿三月皆勿繇令得葬**

**送**後書陳忠傳引孝宣皇帝舊令按宣帝紀地節四年詔自今諸有大父母父母喪者勿繇事使得收斂送終盡其子道按

安帝元初五年詔舊令制度各有科品賢注漢令今亡此可證令之頒行與律無異

**亂妻妾位**

外戚恩澤表孔鄉侯傳晏元壽二年坐亂妻妾位免徙合浦按唐律以妾為妻在戶婚功臣表嗣張侯

彤申坐尚南宮公主不敬免

**齊人與妻婢姦曰姘**

說文女部引漢律功臣表嗣博成侯張建始四年坐尚陽邑公主與婢姦主旁數

醉罵淫季父之妻曰報

左傳宣三年杜注引

**宮人出嫁不得適諸國**

後書樂成王黨傳引舊禁陳敬王傳子思王鈞嗣云後鈞取掖庭出女李嬈為

小妻復坐削三縣

**棄妻界所賣**

禮記下雜記鄭注引律

**小筐**

說文竹部引漢律寒具筥見儀禮聘禮以二竹籩方注冠箱見士冠禮緇布冠各一篋注

**會稽獻藪一斗**

說文艸部引漢律按禮記內則三牲用藪鄭注煎菜莢也漢律會稽獻焉藪即藪成帝綏和

二年哀帝詔禁郡國無得獻名獸

會稽獻鮭醬二升御覽九百四十一引漢書漢律按御覽此條上連說文曰鮪蚌也鮭鱒也會稽云疑即許

注許作會稽郡獻鮭醬衍郡字脫二升字說文校議云升為斗之誤

稻米一斗得酒一斗為上尊稷米一斗得酒一斗為中尊粟米

一斗得酒一斗為下尊平當傳如淳注引律師古曰稷即粟也中尊者宜為黍米不當言稷且作酒白

有漙澆之異為上中下非必繫之米常滿尊見周禮酒正注說文手部桐漢有桐馬官作馬酒

三人以上無故羣飲罰金四兩文帝紀酺五日注文穎引律郡國十月行鄉飲酒禮見儀禮鄉

飲酒禮注宣帝紀五鳳二年詔今郡國二千石或擅為苛禁

禁民嫁娶不得相賀召繇是廢鄉黨之禮令民無所樂非所以

導民也詩不云乎民之失德乾餱以愆勿行苛政桓帝紀永興

二年禁郡國不得賣酒祠祀裁足詔曰饑饉薦臻其不被害郡

縣當為饑餒者儲天下一家趣不糜爛則為國寶東觀漢

記順帝漢安二年詔禁民毋得酤賣酒麴酒黨見桓彬傳

綺絲數謂之縹布謂之總綬組謂之首說文糸部引漢律官布幅廣二尺二寸旁削一

寸見儀禮鄉射禮中十尺注成帝綬和二年哀帝詔

齊三服官諸官織綺繡難成害女紅之物皆止無作輸



賜衣者縵表白裏

說文縵下引漢律白縛見周禮內司服注璧色縵見儀禮聘禮束帛注縵素屏風見覲禮

斧依法成帝永始四年詔聖王明禮制以序尊卑異車服以章有德云其申敕有司以漸禁之青綠民所常服且勿止師古曰然則禁紅紫之屬

吏死官得法賻

何並傳注如清引公令

列侯墳高四丈關內侯以下至庶人各有差

周禮春官冢人注引漢律 孝景中

二年令列侯初封及之國大鴻臚奏策列侯薨葬國得發民輓喪穿復土治墳無過三百人畢事

非正年外戚恩澤表元始三年嗣平周侯丁滿坐非正免元壽二年

侯鄭業坐非正免按唐律非正嫡詐承襲在詐偽 功臣表河

平四年嗣杜侯復福坐非子免嗣復陽共侯陳嘉薨康侯拾嗣

拾薨子疆嗣元狩二年疆坐父拾非嘉子免外戚恩澤表嗣營

平侯趙岑元延三年坐父欽詐以長安女子王君俠子為嗣免

功臣表射陽侯劉纏孝惠三年薨又煮棗侯革朱孝惠七年薨嗣隨桃侯趙昌樂本始元年薨義陽侯傅介子元康元年薨王子侯表陰城侯蒼太初元年薨已上竝以嗣子有罪不得代前書王禹奏繆王元暴虐不道春秋之義誅君之子不立元

雖未伏誅不宜立嗣海昏侯賀薨太守廖奏言舜封象於有鼻死不為置後以為暴亂之人不可為太祖云宜以禮絕賀以奉

天意竝見本傳

**出入閭巷無吏體**景紀中六年五月詔曰夫吏者民之師也車

者或不吏服出入閭里與民亡異令長吏二千石車朱兩轡千石至六百石朱左轡車騎從者不稱其官衣服下吏出入閭巷

亡吏體者二千石上其官屬三輔舉不如法令者

**觸諱**宣帝元康二年詔曰聞古天子之名難知而易諱也今百

令前者赦之齊書王慈傳班諱之典爰自漢世唐律諸上書若奏事誤犯宗廟諱者杖八十口誤及餘文書誤犯者笞五十即

為名字觸犯者徒三年若嫌名及二名偏犯者不坐

漢律輯證六

桐華閣叢書

郵行有程

地官掌節注引漢法按通典引應劭漢官儀云秦掣書使者乘馳傳其驛騎也三騎行晝餒有驛置稽程

無干車無自後射

周禮夏官大司馬職遂以蒐田有司表貉誓民注賈疏云此據漢田律而言無干車謂無

干犯他車無自後射象戰陳不逐奔走秋官士師五禁注引作軍禮按前書禮樂志今叔孫通所撰禮儀與律令同錄藏於理

官法家又復不傳應劭傳刪定律令為漢儀據此知漢禮儀多在律令中晉書刑法志所謂叔孫通益律所不及當即以所撰

禮儀益之此條為田律亦為軍禮是其證也

關用傳出入

史記孝景皇帝元年詔孝文皇帝臨御天下通關梁不異遠方集解張晏曰孝文十二年除關不用

傳令遠近若一前書文帝十二年紀注張晏曰傳信也若今過所也如淳曰兩行書繒帛分持其一出入關合之乃得過師古

曰古者或用檠或用繒帛檠者刻木為合符也王莽傳注舊法行者持符傳即不稽雷按此傳即周禮地官司關之節傳在漢

亦名過所司關注傳如今過所文書賈疏過所文書當載人年幾及物多少至關至門皆別寫一通入關家門家乃案勘而過

其自內出者義亦然終軍傳注張晏曰繻符也書帛裂而分之若券契矣蘇林曰繻帛邊也舊關出入皆以傳傳煩因裂繻頭



各以爲信也張蘇二說蓋即指過所文書不刻於木而書於帛者景帝四年復置諸關用傳出入宣帝本始四年詔上書入穀輸長安倉助貸貧民民以車船載穀入關者得毋用傳據此知終漢之世出入關用傳唯文帝時一除之唐律私度關在衛禁

一安帝永初元年詔民訛言相驚棄捐舊居老弱相攜窮困道路其各赦所部長吏躬親曉諭若欲歸本郡在所爲封長檄注封謂印封之也長檄猶今長牒杜詩傳舊制發兵以虎符其餘徵調竹使而已

勒兵而守曰屯史記傳寬傳徙爲代相國將屯集解引律前書趙充國傳遷中郎將將屯上谷師古曰領兵屯

於上谷也馮安世傳遣安世將萬二千騎以將屯爲名師師古曰且云領兵屯田不言討賊按傳此文下云到隴西分屯三處典屬國爲右軍屯白石護軍都尉爲前軍屯臨洮奉世爲中軍屯西極上此所謂呂將屯爲名也非屯田

故行不行史記馮唐傳集解如淳注漢軍法吏卒斬首以尺籍書下縣移郡令人故行不行奪勞二歲索隱案故行

不行謂故命人行而身不自行故與雇同唐律征人稽留征人冒名相代竝在廢庫

亡失士多當斬見前書公孫敖李廣楊僕蘇建等傳

行而逗畱畏撓者要斬史記韓安國傳索隱注如淳引軍法甸奴傳上以虎牙將軍不至期而祁連知

虜在前逗畱不進皆下吏自殺孟康曰律語也謂軍行頓止稽畱不進也霍去病傳合騎侯敖博望侯騫坐行畱當斬功臣表作畏懦當斬後書南匈奴傳鄧鴻還京師坐逗畱失利下獄从賢注軍法逗畱畏懦者斬光武建武十二年詔邊吏力不足戰則守追虜料敵不拘以逗畱法

**詐增虜獲**

功臣表宜冠侯高不識坐擊匈奴增首不以實當斬贖罪免侯外戚恩澤表嗣侯車順本始三年坐詐增虜

獲自殺馮唐傳雲中守尚坐上功首虜差六級下吏削爵罰作之白帖後漢楊熊起中郎趙序坐畏懦不進詐增首級徵還棄市

**乏軍興**

地官旅師注縣官徵聚物曰興今之軍興是也尙書費誓孔傳汝則有乏軍興之从刑正義曰興軍征伐而有

乏少謂之乏軍興段會宗傳以擅發戍已校尉之兵乏興有詔贖論趙廣漢傳擅斥除騎士乏軍興章帝紀注軍興而致闕乏當从刑也白帖五十一漢黃霸爲京兆尹發騎士詣北軍以馬不適士劾乏軍興連貶秩注馬少士多不相補滿也唐律乏軍

興在擅興一

**正亡屬將軍將軍有罪以聞二千石以下行法**

胡建傳引軍法師古曰言軍正

不屬將軍將軍有罪過得表奏之

**檠戟即為斧鉞**

後書郭躬傳竇固出擊匈奴秦彭在別屯而輒以法斬人固奏彭專擅請誅之議者皆然固奏

躬獨曰於法彭得斬之帝曰軍征校尉一統於督彭既無斧鉞可得專殺人乎對曰一統於督謂在部曲也今彭專軍別將兵事呼吸不容先關督帥且漢制檠戟即為斧鉞於法不合罪平帝紀遣執金吾侯陳茂假以鉦鼓應劭注將帥乃有鉦鼓今茂官輕兵少又但往諭曉之耳所以假鉦鼓者欲重其威也

**軍士逃亡考竟其妻子**

魏志高柔傳舊法軍征士亡考竟其妻子太祖患猶不息更重其刑柔曰士卒

亡軍誠在可疾然竊聞其中時有悔者愚謂乃宜貸其妻子一可使賊中不信二可使誘其還心正如前科固已絕其意望云

亦見盧毓傳唐律從軍征討亡在捕亡

**降敵者誅其身沒其家**

史記商君列傳匿姦者與降敵同罰索隱引律按李陵傳族陵家母弟妻子皆

伏誅据此是漢時仍用此律

**奔北**

桓帝延熹五年武陵蠻寇江陵南郡太守李肅坐奔北棄市祭彤傳子參遼東太守永元中鮮卑入郡界坐沮敗下



獄成建安八年令諸將出征  
敗軍者抵罪失利者免官爵

**迷道**

**失期**

前書公孫敖傳以將軍出北地後票騎失期當斬  
趙食其傳為右將軍從大將軍出定襄迷失道當

斬竝贖為庶人龐參以失期  
軍敗抵罪見後書西羌傳

**斷盜**

後書蓋勳傳隴右刺史左昌因軍興斷盜數千萬云坐斷  
盜徵賢注斷謂割截魏志鮑勛傳太子郭夫人弟為曲周

縣吏斷盜官布法應棄市按此法為漢法事在建安時也孔融  
數劉表之罪斷盜貢篋與擅誅列侯過絕詔命並列見本傳

**囂謹**

秋官七師五禁注軍有囂謹  
夜行之禁疏舉漢法以况之

**邊鄙兵所臧直百錢者當坐棄市**

董仲舒公羊治  
獄引律見白帖

門人蘇輿同校  
子壻方大堪

人籍

夏雅矣汝知直百餘... 聚市... 公羊...

... 亦... 亦...

... 亦... 亦... 命並... 本...

... 亦... 亦... 夫人... 漢...

... 亦... 亦... 夫... 當...

... 亦... 亦... 夫... 當...

... 亦... 亦... 夫... 當...

... 亦... 亦... 夫... 當...

先師杜仲丹夫子讀書法彙一卷皆采輯先賢論學要旨用以自課未嘗輕以示人然先師以儒林耆宿屢主湖南北講席而主湘水校經堂者近二十年遊其門以學行著於時者踵相接則是本所學以教人與夫因材而異其教者雖非可以形迹求要必徵諸古而信於今無疑也余從遊校經先後凡五載師不以爲不可教每誘而進之或相告語至夜深不倦余困於學而多病因詔余曰古之學者積小以高大非一旦夕之爲力也且士以守身爲先苟身不能守更何有於學余謹誌之不敢忘嗚乎余學未有所益而師不可見矣今出是書校而刊之獨坐書齋然鐙夜讀猶恍惚執經問難時師若弟披帷相對習習然春風之



風人也光緒癸卯季冬月立春前三日弟子劉肇隅記

益而福不同良矣今出景書效而...  
 不難守更何首致學余...  
 貴小以高大非一旦文之...  
 其辭至交不辭余...  
 並對對求余...  
 吾非非可以...  
 其辭皆...  
 其...  
 其...  
 夫...

讀書法彙

桐華閣叢書

巴陵杜貴墀 仲丹

黃庭堅書贈韓瓊秀才讀書欲精不欲博用心欲純不欲雜讀書務博常不盡意用心不純訖無全功治經之法不獨玩其文章談說義理而已一言一句皆以養心治性事親從政取友接物得失憂樂一考之於書然後嘗古人之糟粕而知味矣

康節先生勸學曰二十歲之後三十歲之前朝經暮史晝

子夜集

困學紀聞

宋人盛庶齋如梓老學叢談學貴乎問聖賢立教及經書所言不一而止晦菴先生無書不讀啟棘賓商猶作書與

誠齋託轉問於周平園先儒爲學其勤篤好問乃如此

歷城葉奕繩常爲懷麗明言強記之法云某性甚鈍每讀

一書遇意所喜好卽劄錄之錄訖乃朗誦十餘遍黏之壁

間唐太宗實錄謂司空裴寂曰比有上書奏事朕黏之屋壁出入觀省每日必十餘段少亦

六七段掩卷間步卽就壁間觀所黏錄日三五次以爲常

務期精熟呂覽博志篇故曰精而熟之鬼將告之非鬼告之也精而熟之也一字不遺黏

壁旣滿乃取第一日所黏者收笥中俟再讀有所錄補黏

其處隨收隨補歲無曠日一年之內約得三千段數年之

後腹笥漸富每見務爲汎覽者略得影響而止稍經時日

便成枵腹不如予之約取而實得也蒿菴間話

宋陳善捫蝨新話讀書惟在牢記則日見進益陳晉之一



日只讀一百二十字後遂無書不讀所謂日計不足歲計有餘者今人誰不讀書日將誦數千言初若可喜然旋讀旋忘一歲未嘗得一百二十字況一日乎予少時實有貪多之癖今每念腹中空虛方知陳賢良爲得法云

邢懋循常言其師教之讀書用連號法初日誦一紙次日又誦一紙并初日所誦誦之三日又并次日初日所誦誦之如是漸增引至十一日乃除去初日所誦每日皆連誦十號誦至一周遂成十周人卽中下已無不爛熟矣又擬目若干道書簽上貯之筒中每日食後拈十簽講說思維令有條貫逮作文時遂可不勞餘力

高菴間話

陸放翁萬卷樓記學必本於書一卷之書初視之若甚約

也後先相參彼是相稽本末精麤相與發明其所關涉已  
不勝其眾矣一編簡有脫遺失次者非考之於他書則所  
承誤而不知同字而異詁同辭而異義書有隸古音有楚  
夏非博極羣書則一卷之書殆不可遽通此學者所以貴  
夫博也自先秦兩漢訖於唐五代以來更歷大亂書之存  
者既寡學者於其僅存之中又鹵莽焉以自便其怠惰因  
循曰吾懼博之溺心也豈不陋哉

益人神智信莫如書所謂書指經史傳記之屬

按魏書李先傳太祖

問先曰天下何書最善可以益人神智先對曰惟有經書三皇五帝治化之典可以補王者神智

若申韓

管商及稗官小說最壞人心術敗人德業不可不慎也

按

文貞崇簡冬夜箋記近見永年申處士涵光荆園小語多可銘戒如云每怪世人極贊某書摹畫人情有似史記果

爾何不直讀史記家有幼學尤不可以不慎曰諸葛武侯以申韓之書教後主

非歟曰此武侯誤用心之處當時效驗已自可見世人以

雜書教子弟謂有裨文筆不知人之能作文字者原無待

於此其不能者讀此終亦無益而刻薄狡獪淫泆放縱執

拗穿鑿諸病紛紛起矣有心世道者當嚴禁而痛懲之蒿菴

問話

順治初稗官小說盛行滿人多繙繹阿什坦給諫上言學

者宜以聖賢為期經史為導此外雜書當屏絕陳康祺郎潛紀聞

淄川唐豹岳夢賚以順治八年授祕書檢討會命翰林

院譯文昌化書唐曰非聖之書豈可塵乙夜之覽具

疏畧言曲說不典無裨聖化請移此以輯聖賢經世大典



以佐平明之治

王士禎撰墓誌銘

呂氏童蒙訓云外高祖侍郎晉陽王公諱子融嘗編集京師世家法善者以遺子孫又云前輩有編類國朝名臣行狀墓誌其行事之善者別錄出之以自警戒又云滎陽公教學者讀書須要字字分明仍每句最下一字尤要令聲重則記牢又云滎陽公入太學時二十一歲矣胡先生實主學與黃右丞安中履邢尙書和叔恕同齋舍時安中二十六歲爲齋長和叔十九歲安中方精專讀書早晨經書每授五百遍飯後史書可誦者百遍夜讀子書每授三百遍每讀書危坐不動句句分明和叔時雖少當世時務無不通曉當世人材無不徧知

國朝閣百詩爲經學大師記誦精博而其天資實奇鈍幼  
受書讀百徧始畧上口性又善病母禁之讀遂闔記不復  
出聲如是者十年一日自覺豁然再觀舊所研究本了無  
疑滯蓋積苦精力之應也

陳康祺郎  
潛紀聞

華陽國志徐誦字子產少讀書日不過五十字讀千徧乃

得終成學儒

北堂書鈔  
九十八

山陰徐伯調緘自著讀書說九經周易程傳本義尙書蔡  
傳詩集註春秋左氏公羊穀梁胡傳禮記纂注論語孟子  
集註大學中庸章句共二千八百四十七葉史資治通鑑  
胡三省注葉氏前編續宋元通鑑合國語韋註戰國策正  
文史記小司馬註漢書顏師古註甲子會記共一萬七千

七百九十八葉以一歲日力計之除吉凶慶弔祭祀伏臘外可得三百日每日以半治經限三葉以半治史限二十

葉閱三年訖功

毛奇齡撰墓志銘

楊天祥字休徵正德丁丑進士遺友人書曰古人讀書破萬卷予自弱冠勵志讀書至今十五年一年之中除令節家慶及疾病之日不過六十日其三百日皆誦讀日不下三簡一年不下九百簡十有五年不下一萬五千簡方之古人萬卷僅十之一二然以近世較之予猶爲多而場屋之中所取甚約何者七篇之文如其黍度而止五策之文如其條貫而止論雖可肆亦有步驟不得大騁至大廷之對檢點敬慎且晷刻有限難以展盡譬之珍羞錯陳屬饜



則止巨木輪困就墨則削其餘酬應不能踰於人情物理  
擬古則迂反古則倍讀書雖多豈盡可用哉古人云精兵  
三千足敵羸卒百萬蓋以此也昔向子平救斷家事徧游  
五嶽豈圖喻人哉亦求自喻而已然游五嶽則有跋涉之  
苦離曠之憂踰年閱歲僅乃徧之五經備天地萬物之理  
此五嶽也子史百家亦洞天福地也予徧厯之豈直臥游  
雖不足喻人亦足以自喻矣

廣東通志

錢泰吉輯嘉興錢文端公陳羣遺事公嘗請益於孫華隱  
先生曰何以博耶先生曰讀古人文就其篇中最勝處記  
之久乃會通後述於竹垞先生先生曰華隱言是也世安  
有過目一字不忘者耶公嘗舉以爲讀書法

包世臣撰江都凌曙傳君問余所當治業予曰治經必守  
家法專治一家以立其基則諸家可漸通然心之爲用苦  
則機窒樂則慧生機窒者常不卒其業凡讀書不熟則心  
以爲苦君自取熟者治之可也

明陸氏容菽園雜記陳元孚讀書法生則慢讀吟語句熟  
則疾讀貪徧數攀聯以續其斷喝怒以正其誤未熟切忌  
背誦既倦不如少住如此力少功多乃是讀書要法

按元人楊

瑀山居新話讀書訣云生則慢讀明經句熟則  
緊讀貪徧數未熟莫要背念既倦不如且住

宋周氏密志雅堂雜鈔昔者李仁父爲長編作大木櫥十  
枚每櫥作抽替六十枚每替以甲子誌之本年之事有所  
聞片紙必歸本匣每匣分月日先後次第井然有條可爲


法也

趙氏翼成廿二史劄記三十六卷自言不能研究經學惟  
歷代史書事顯而義淺便於流覽爰取爲日課有所得輒  
劄記別紙有稗乘脛說與正史歧誤者不敢遽詫爲得間  
之奇修史時此等記載無不蒐入史局棄而不取必有難  
以徵取信之處今反據以駁正史不免貽譏有識錢氏大  
昕謂此論古特識顏師古以後未有能見及此者同時汪  
氏輝祖治元史專以本史參證不更旁引他書區以三類  
曰證誤曰證遺曰證名二君於學皆能實事求是可爲考  
史之法矣蓋歷代修史未必出於一人之手前後踳駁固  
可就本書以正其說而稗官野史當日登諸史館秉筆者



或持一己之私見以爲定評或有所避忌而不敢直言三國以後皆然矣自予觀之讀史者自當奉正史爲主正史而外不妨兼及別史折衷於一是其支離謬誕之談概從刪削焉裴松之之注三國志亦卽此意而惜其決擇之未精也

宋周益公必大曰大凡文人才士屈首受書未能多閱天下之義理壯則從事四方志有所分及其老也血氣旣衰聰明隨之雖有著述鮮克名家此古今通患也學者誦此數語不可不知傲懼一知半解囿於聞見但以文人才士互相誇詡隋書柳莊傳蘇威重莊器識嘗奏云江南人有學業者多不習世務習世務者又無學業能兼之者不過柳莊字思敬而國家之利病民生之休戚漠然無關於其



心宦成身老則惟傍宋儒門戶以掩其不學之陋空腹高

心可勝慨哉以上四條見漢陽葉名灃橋西雜記

上海陸文裕深每抄錄國朝前輩事命子弟熟讀曰士君

子有志用世非兼通今古何得言經綸今世學者亦有務

為博洽然問及朝廷典故經制沿革恍如隔世縱才華邁

眾終為俗學海昌陳其元庸問齋筆記

呂紫微居仁云學者須做有用文字不可盡力虛言有用

文字者議論文字是也議論文字須以董仲舒劉向為主

周禮及新序說苑之類皆當貫串熟考則做一日便有一

日工夫又云作文不可強為須遇事乃作須是發於既溢

之餘流於已足之後方是極頭所謂既溢已足者必從學

問該博中來也

宋人陳鵠者舊續聞

裘父詩話載東坡與王郎書云少年爲學者每一書皆作數次讀之當如入海百貨皆有人之精力不能兼收盡取但得其所欲求者耳故願學每次作一意求之如欲求古今治亂興亡聖賢作用且只作此意求之勿生餘念又別作一次求事迹文物之類亦如之他皆放此若學成八面受敵與慕涉獵者不可同日而語朱子取此以示學者曰讀書要當如是

孫公談圃云梅聖俞作詩蓋寢食游觀未嘗不吟諷思索時時於坐上忽引去奮筆書一小紙內笄袋中皆詩句也或半聯或一字他日作詩有可用者入之



喻元德云玩古人糟粕須是字字究竟句句勘破元遺山云書須句句讀文須字字做元德又云節孝先生徐積因讀史記貨殖傳見人棄我取我與遂悟作文之法

錢塘與王無言書士君子讀書宜務知大者遠者於經宜

考聖王之制作而不必溺於訓詁之說於史宜觀豪傑之

謨畧而不當纖悉於事迹同異之間

湖海文傳

南軒先生曰爲學不可全恃明快要當思量到遲鈍處問如何卻要遲鈍曰一向從明快中去豈不有失須反復致思於遲鈍中下工夫然後能有諸己

歷事幾主歷任幾官有何建立有何獻明何長可錄何短可戒傳中有何佳對此賈挺才先生記史法也辭之內不

可減減之則為鑿辭之外不可增增之則為贅鑿則失本

意贅則壞本意此王虛中先生解書訣也二條見俞元德螢雪漫叢說

杜蔭棠明人詩品王淑士志堅讀書最為有法先經而後

史先史而後子其讀經先箋疏而後辨論讀史先證據而

後發明按朱子語類云史亦不可不看若只看通鑑通鑑

編年雖是小事其初卻小後來漸漸做得大故人初看時

史一過正史各有傳可見始末讀子則唐以後無子當取

說家之有裨於經史者以補之讀集則定秦漢以後文為

五編尤用意於唐宋諸家碑志援據史傳廣采小說以參

覈其事之異同文之純駁其所著篇章甚富顧自定詩才

七十餘首國朝吳縣惠氏周惕元龍論學云學有偽有迂有曲有俗有雜有博有醇有通賈逵傳會圖

識劉歆顛倒五經是爲僞王夷甫談黃老房次律說春秋  
是爲迂公孫希世用事孔光與俗浮湛非曲歟朔皋持論  
不根張王淫靡不急非俗歟夏侯破碎大道賈山涉獵爲  
儒非雜歟如康成辭訓質而繁穎達正義詳而充博矣未  
醇也揚雄覃思渾天張衡候風地動醇矣未通也賈長沙  
之匡建劉中壘之忠精魏元成之剴切帝心陸敬輿之譏  
陳時病其言足以救世其道足以輔君斯可謂  
之通矣按學貴適用此尤讀書者所當知也

太谷溫少華給事常綬常舉王融言少好讀書老而彌篤  
雖偶見瞥觀皆卽疏記後重省覽歎興彌深又舉張參言  
讀書不如寫書余意寫書又不如評書寫之功字句而已

評則義蘊從此而出

龔景瀚代  
撰墓志銘

焦氏類林余少嗜書家貧不能多致時從人借本諷之顧  
性極愚隨諷隨忘有未盡忘者往來胸臆又不能舉其全  
爲恨表聖之詩不云乎忘書久似憶良朋真余意中事也



庚辰讀書有感葛稚川語

葛稚川云抄掇眾書掇其精要用功少而所收多思不煩而所

見博遇會心處輒以片紙記之甫二歲計偕北上因罷去殘

藁委於篋笥塵埃漫滅不復省視久矣李君士龍見之謂

其可以資文字之引用備遺忘之萬一也乃手自整理世

說篇目括之其不盡者括以他目譬之溝中之斷文以青

黃則士龍之為也

五代詩話

梁書袁峻傳早孤篤志家貧無書每從人假借必皆抄寫

日課五十紙紙數不登則不休息峻字季高陳郡陽夏人

柳仲郢傳家有書萬卷所藏必三本上者貯庫其副常所

閱下者幼學焉仲郢嘗手鈔六經司馬遷班固范曄史皆

一鈔魏晉及南北史再又類所鈔它書凡三十篇號柳氏

自備旁錄仙佛書甚眾皆楷小精真無行字魏謩傳嘗鈔撮子書要言以類相從二十卷號曰魏氏手略

東坡謫黃州日課手鈔漢書自言讀漢書凡三鈔初則一段事鈔三字爲題次則兩字今則一字朱司農載上謁坡乞觀其書坡云足下試舉題一字公如其言坡應聲輒誦數百言無一字差缺凡數挑皆然公他日以語其子新仲曰東坡尙如此中人之性豈可不勤讀書新仲嘗以是誨其子輅叔暘云見南陽陳鵠者舊續聞耆舊續聞又一條云中書待制公翌新仲嘗言後學讀書未博觀人文字不可輕詆歐陽公與王荆公詩云翰林風月三千首吏部文章二百年荆公答云他日若能窺孟子終身安敢望韓公歐公笑曰

介甫錯認某意所用事迺謝朓爲吏部尙書沈約與之書云二百年來無此作也送韓文公迨今何止二百年耶不知荆公所用之事乃見孫樵上韓退之吏部書二百年來無此文也歐公知其一不知其二故介甫嘗曰歐公坐讀書未博耳

杜岐公邠少時節史記一編字如蠅頭字字端楷首尾如一又極詳備如禹本紀九州所貢名品略具蘇子瞻作李氏山房記言余猶及見老儒先生自言其少時欲求史記漢書而不可得幸而得之皆手自書日夜誦讀惟恐不及

正此類耶

宋睢陽徐度  
敦立卻掃編

司馬溫公在相位時年六十八手鈔諸子自國語而下六



書其目三百一十有二小楷端重無一筆不謹

陳振孫書錄解題徵

言三卷下

秦少游觀精騎集自序曰予少時讀書一見輒能誦暗疏

之亦不甚失然負此自放喜從滑稽飲酒者遊旬翔之間

把卷無幾日故雖有強記之力而常廢於不勤

東陽杜惟熙以克己

為要嘗曰學者一息不昧則萬古皆通一刻少寬即終朝

欠缺見明史儒林錢德洪傳顧甯人云有一日未死之身

則有一日未聞之道見日知錄甯化雷貫一鉉云一刻不

持重便害德性一刻不專一便荒本業一刻不驚惕便墮

晏安晏安溺志則害德性荒本業不待言矣見唐鑑學案

輯孫文定公嘉淦疏言人非聖人孰能無過此淺人語耳  
聖人有聖人之過惟聖人知之也賢者不知也賢者有賢者  
之過惟賢者知之庸人不知也施愚山先生閏章每語所  
親曰我輩既知學道自無大戾名教但終日不見已過便  
絕聖賢之路終日喜言人過便傷天地之和見國史本  
傳  
比數年來頗自懲艾悔前所為而聰明衰耗不如曩時

十一二每閱一書必尋繹數終掩卷茫然輒復不省故雖有勤苦之勞而常廢於善忘嗟夫敗吾業者常此二物也比讀齊史見孫搴答邢詞云我精騎三千足當君羸卒數萬心善其說因取經傳子史事之可爲文用者得若干條勒爲若干卷題爲精騎集云噫少而不勤無如之何矣長而善忘庶幾以此補之

淮海集年譜按精騎集成於三十五歲時

陸放翁跋前漢通用古字韻編云古人讀書多故作文時偶用一二古字初不以爲工亦不自知孰爲古孰爲今也近時乃或鈔綴史漢中字入文辭中自謂工妙不知有笑之者偶見此書爲之太息書以爲後生戒

尤文簡延之每公退則閉戶謝客日計手鈔若干古書其

子弟及諸女亦抄書嘗曰予所鈔書將彙而目之以代饑  
之內寒之裘寂處之朋友幽憂之金石琴瑟也

江南通志紀聞

太尉衛國公李德裕會昌一品制集序文苑英華辨證云  
李德裕集序二首蓋鄭亞先委商隱代作亞後改定故有  
異同徐氏曰典嚴正大較原作更得體馮浩案原稿非不  
華贍莊重然大有矜持之態且未全得體一經點竄氣象  
迥殊矣

古語云大匠不示人以璞蓋恐人見其斧鑿痕迹也黃魯  
直於相國寺得宋子京唐史彙一冊歸而熟觀之自是文  
章日進此無他也見其竄易句字與初造意不同而識其  
用意所起故也



讀歐公文疑其自肺腑流出而無斲削工夫及見其草逮  
其成篇與始落筆十不存五六者乃知爲文不可容易班  
固云急趨無善步良有以也以上二條見朱少章曲洧舊聞  
錢唐馮少渠景云作文之法以簡爲高以潔爲貴不簡不  
潔則易薄弱而多蔓

唐子西言吾於他文不至蹇澀惟作詩極難苦悲吟累日  
僅自成篇初讀時未見可羞處姑置之後數日取讀便覺  
瑕釁百出輒復悲吟累日反復改定比之前作稍有加焉  
後數日復取讀疵病復出凡如此數回乃敢示人然終不  
能工李賀母謂賀必欲嘔出心乃已非過論也元遺山陶然集詩序  
前明越卓凡其杰貴陽人官終河南巡撫著有薊門白門

橫糊知非屢非諸集其詩將及萬首屢非爲最後定之本  
其改詩五言云夏日永多閒就松恣午睡鳥驚殘夢醒起  
受輕風吹偶見昔吟詩虛心一檢視讀未及篇終慙怖幾  
無地蕪荒略能刊深奧殊未至不知當時心何以亦得意  
間有心所會至今不可易此帶性靈來百中無一二恨少  
同調人披肝勤指示從今誓改絃誤期力捐棄不敢恕微  
長雖賢猶責備點竄盡全篇不留初一字

蜀中石刻東坡文字彙其改竄處甚多玩味之可發學者  
文思今具注二篇於此乞校正陸贄奏議上進劄子學問  
日新下云而臣等才有限而道無窮於臣字上塗去而字  
竊以人臣之獻忠改作納忠方多傳於古人改作古賢又

塗去賢字復注人字智若子房而學則過改學字作文但其不幸所事暗君改所事暗君作仕不遇時德宗以前苛爲明改作以苛刻爲能以猜忌爲術而贄勸之以推誠好用兵而贄以消兵爲先好聚財而贄以散財爲急後於逐句首皆添注德宗二字治民馭將之方先寫馭兵二字塗去注作治民政過以應天變改作天道遠小人以除民害改作小人以陛下聖明若得贄在左右則此八年之久可致三代之隆自若字以下十八字並塗去改云必喜贄議論但使聖賢之相契卽如臣主之同時昔漢文聞頗牧之賢改漢文聞三字作馮唐論取其奏議編寫進呈塗去編字卻注稍加校正繕五字臣等無任區區愛君憂國感恩



思報之心改云臣等不勝區區之意獲鬼章告裕陵文自孰知耘耔之勞而下云昔漢武帝命將出師而呼韓來廷效於甘露憲宗厲精講武而河湟恢復見於大中後乃悉塗去不用獷彼西羌改作憬彼西戎號稱右臂改作古稱非愛尺寸之疆改作非貪自不以賊遺子孫而下云施於冲人坐守成算而董璫之臣阿里骨外服王爵中藏禍心與將鬼章首犯南川後乃自與將而上二十六字並塗去改云而西蕃首領鬼章首犯南川爰敕諸將改作申命諸將蓋酬未報之恩改作爭酬生操鬼章改作生獲其下一聯初云報谷吉之寃遠同彊漢雪渭水之恥尙陋有唐亦皆塗去乃用此二事別作一聯云頡利成擒初無渭水之

恥郅支授首聊報谷吉之寃末句務在服近而柔遠改作

來遠

費補之袞梁谿漫志卷六

錢塘張道少南蘇亭詩話何蘧春渚紀聞云蘧嘗得東坡先生詩稿其和叔弼詩云淵明爲小邑繼圈去爲字改作求字又連塗小邑二字作縣令二字凡二改乃成今句至胡椒銖兩多安用八百斛初云胡椒亦安用乃至八百斛若如初語未免後人訾議又定惠院寓居月夜偶出詩翁覃溪云嘗見此詩初脫稿紙本眞蹟在富春董誥侍郎家前篇不辭青春二句原在一枝亞之下清詩獨吟二句原在年年謝之下以墨筆鉤轉從今本也江雲句塗抱嶺二字改有態不惜句惜字塗改辭字後篇十五年前眞一夢

句全塗去改云憶昔扁舟泝巴峽長梳亞長字未塗旁寫  
高字白髮句塗莫吾二字改寧少自憐老境更貪生全塗  
去改云至今歸計負雲山老境向閒如食蔗塗向字改安  
字又塗去改清字食字不塗旁改啖字幽居口口已心甘  
句全塗去改云飢寒未至且安居往事已空句塗往事二  
字改憂患又與今本異者次篇落帆樊口作武口長江滾  
滾空自流作長江袞袞流不盡

東坡爲富韓公神道碑首敘景德澶淵之功以及慶厯議  
和頃刻而就以示張文潛文潛曰有一字未甚安請試言  
之蓋碑之末初曰公之勳在史官德在生民天子虛已聽  
公西戎北狄視公進退以爲輕重然一趙濟能搖之竊謂



能不若敢也東坡大以爲然卽更定焉

徐度卻掃編

歐陽文忠公樊侯廟災記真稿舊存余家其中改竄數處如立軍功三字稿但曰起家平生曰生平振目曰瞋目勇力曰威武雄武曰英勇生能萬人敵死不庇一躬曰生能讐暗啞叱咤之王死不能保束草附土之形有司曰殘暴後暗鳴叱咤四字無第曰使風馳電擊憑此咆哮凡定三

十三字書亦適勁

宋袁褰楓嶺小牘

歐陽公爲韓魏公書錦堂記首以仕宦至將相富貴歸故鄉韓公得之愛賞後數日歐復遣介別以本至云前有未是可換此本韓再三玩之無異前者但於仕宦富貴下各添一而字文義尤暢前輩爲文不易如此

高士奇天祿識餘

秦誓曰我心之憂日月逾邁若弗云來楊朱曰百年壽之大齊得百年者千無一焉設有一者孩提以逮昏老幾居其半矣夜眠之所弭晝覺之所遺又幾居其半矣痛疾哀苦亡失憂懼又幾居其半矣量十數年之中適然而自得亡介焉之慮者亦亡一時之中爾則人之生也奚爲哉奚樂哉其言可謂痛切利瑪竇答人壽既過誤猶爲有書云李太宰問余之年余時昉造艾則答曰已無五旬矣太宰曰意貴教以有爲無耶余曰否也是年數者往矣有人於此以獲粟五十斛得金五十鎰藏之在其廩若橐中則可出而用之資給任意斯謂之有己己空廩橐費之猶有乎夫年以月月以日累結之吾生世一日日輪既入地則年

與月與吾壽悉減一日也月至晦年至冬亦如是吾期無

日無年焉身日長而命日消矣元人伊世珍瑯嬛記九天先生降王方平宅書尺牘

遺龍女曰汝謫以來月輪周圍減一寸矣更減其半汝得復還本處幸自努力方平問故先生對月屈指曰自垂象

以來至黃帝時減若干自黃帝以至唐堯又減若干自唐堯以至三代漸減至今則愈減矣減之又減以至於無則

天地毀不但是也即世間聲色滋味莫不漸減如人自少至老精神消損頃刻不停亦復如是非日變而月化也人

皆不覺以真人觀之若日影過庭分毫不差耳年歲已過云有謬耶云無謬耶余

故為日晷箴曰時之往者已去而不可追時之來者未至

而不可迎時者何在惟目下過隙白駒可修可為藉如用

此以作無益則有益者待何時乎凡物之失以力可追復

以勤可裨補惟時者否也今日一去來日益多今日益遠

矣胡能復迴乎來日之日力僅足來日之事為耳胡有餘



以補今日之失乎春已至農不得補冬之失時老已至人  
不得補少年之失時也故無時可徒費焉至人者惟寸景  
是寶而恆覺日如短焉愚人無所用心則覓戲玩以遣日  
我日不暇給猶將減事以就日也暇嬉遊哉實心務道者  
視已如行旅懷珍貝走曠野俄日暮昏黑而不識路又不  
知安宿處遠耶近耶是時可緩行乎可不戒心勤慎乎天  
日本無不祥無空亡凡有日不聊用寡汝過不聊用長汝  
德卽此日也可謂日之不祥月之空亡耳常人爲財有急  
用恆自惜財君子爲日有正用恆自惜日嗚乎世人孰有  
重視時孰不轉一日容易棄擲焉而烏知一日之功吾可  
致吾盡善可免無量愆鄙哉蜘蛛之爲蟲也終身巧織張

細罟羅蚊蟲而數爲風所敗壞也人有終身務淺微事而猶不得遂何異此乎夫世事世物吾不可卻亦不可畱故賢者借心焉不肖者贈心焉借者暫寄贈卽非吾有矣吁世之人何大誤焉晨夕亟於俗情若論及道德檢身脩行事便曰至善也至重也第吾不暇耳處不至善不至重則暇及爲至善且重者卽曰不暇非猖狂哉人縱有甚急事未嘗不日日卻宥再三食也未聞日不暇矣以養身必卻宥於事隙如此其勤焉以養心不能乎爲養心德求汝卻宥於事隙亦足覩赧甚矣矧求而不得之歟痛哉痛哉皇明徵管子乘馬篇故曰今日不爲明日忘貨昔之日已往而不來矣

呂覽達鬱篇壯而怠則失時老而解則無名管仲語博志篇

甯越苦耕稼之勞謂其友曰何爲而可以免此苦也其友

曰莫如學學三十歲則可以達矣甯越曰請以十五歲人

將休吾將不敢休人將臥吾將不敢臥十五歲而周威公

師之淮南說山訓謂學不暇者雖暇亦不學矣

荀子云其爲人也多暇日則其出人不遠矣

梁徐勉爲書誡子崧云見賢思齊不宐忽略以棄日棄日

乃是棄身身名美惡豈不大哉

先儒謂貞志苦心之士如飢不忘食渴不忘飲病不忘醫

流落不忘故鄉求一日之安不可得豈肯悠悠玩歲月邪

張清恪公伯行云吾人爲學須是日新月異而歲不同方



好今日勝似昨日明日勝似今日今日勝似前月後月勝  
似今月推之一歲有一歲之功不可放曠了親切的工夫  
不可虛枉了少壯的時日自然日有進益若今日如是明  
日亦復如是今年此人明年依舊此人與不學之人何異  
又曰人生百年者有幾卽以九十年計之前三十年旣爲  
舉業文章所牽纏中三十年又爲功名富貴所消磨到六  
十以後卽發憤欲爲聖賢而精力已竭日暮途窮道之浩  
浩何處下手此所以真儒難得而大道乏傳人也學者必  
自幼卽志聖人之學以舉業聽之時命庶乎將來有真人  
品眞事功程子云每月以十日爲舉業餘日足可爲學此

至言也

唐鑑學  
案輯

而愈傾夫執卷而論則無合

對志誠

宋徐度卻埽編劉待制安世晚居南京客或問曰待制閒居何以遣日正色對曰君子進德修業惟日不足而可遣乎

烏程潘東暘開甲嘗論學於家其子問朱陸異同優劣君曰學者宜收拾身心慎勿道聽塗說業日修得失自見先儒優劣辨之不差毫釐與我何涉耶

朱彝尊撰墓志銘

曹孟德嘗言老而能學惟吾與袁伯業

據按魏志卷十一注傅子曰年八十

而不倦於書籍者余於胡徵君見之矣徵君名昭字孔明穎川人卷二十中山王袞傳每讀書文學左右常恐以精力爲病數諫止之然性所樂不能廢也蜀志向朗傳字巨達襄陽宜城人以吏能見稱自去長史垂三十年乃更潛心典籍孜孜不倦年逾八十猶手自校書刊定謬誤積聚篇卷於時最多三國時之老而能學者不獨孟德與伯業也東坡云此事不獨今人不能古人亦自少也東坡以論

語解寄文潞公書云就使無取亦足見其窮不忘道老而能學也予竊謂年齒雖高而能留意於學此固非易事然於其中亦自有味蓋老者更事既熟見理既明開卷之際迎刃而解如行舊路而見故入所謂溫故知新者人於少年讀書與中年晚年所見各不同其作文亦然故老而能學蓋自有以樂之也費補之袞之言如此見所著梁谿漫志李昭玘則云一傳未終恍已迷其姓氏片文屢過幾不辨其偏傍耄學之苦又古今有同歎矣秉燭夜遊何如及時行樂乎

黃鷓鴣先生宗炎嘗解易離之三曰人至日昃任達之士託情物外則自謂有觀化之樂故鼓缶而歌不然憂生嗟



老戚戚寡歡不彼則此人間惟此二種皆凶道也君子任重道遠死而後已衛武公之所以賢也

全祖望神道表

荆溪任翼聖啟運官翰詹感世宗特達之知自以年齒

就衰恐不克報稱益刻苦研窮嘗書自責語曰疇孝疇弟汝亦喜之匪忠匪信汝亦詆之上古下今言之疊疊躬之不逮曾不自恥孔曾思孟實惟汝師日面命汝汝頑不知既頑且鈍朴教宜施痛自懲責涕泗連沍嗚乎老矣瞑以爲期時年七十有二

吳德旋撰傳

新安程魚門編修晉芳年六十猶日有課程溫習經史經或幾章史或幾卷流覽古人詩文幾冊以小孟貯紅豆記其所讀之數夕則覆驗之

徐受書撰墓表

東坡集卷六十三記歐陽公論文云無它術惟勤讀書而多爲之自工世人患作文字少又懶讀書每一篇出卽求過人如此少有至者疵病不必待人指摘多作自能見之司馬溫公答孔司戶文仲書學積於內則文發於外積於內也深博則發於外也淳奧夫文者雖不學焉而亦可以兼得之

眞西山日湖文集序致飾語言不若養其氣求工筆札不若勵於學氣完而學粹則雖崇德廣業亦自此進況其外之文乎

宋景文祁筆記余少爲學本無師友家苦貧無書習作詩賦未始有志立名於當世也願計粟米養親紹家閥耳年

二十四而以文投故宰相夏公公奇之以爲必取甲科吾亦不知果歟天聖甲子從鄉貢試禮部故龍圖學士劉公歎所試詞賦大稱之朝以爲諸生冠吾始重自淬厲力於學模寫有名士文章諸儒頗稱以爲是年過五十被詔作唐書精思十餘年盡見前世諸著乃悟文章之難也雖悟於心又求之古人始得其涯略因取試五十以前所爲文

赧然汗下知未嘗得作者藩籬而所效皆糟粕芻狗矣次

錄宋景公文曰每見舊作文憎之欲焚棄歐公曰著述須老後積勤宜少年夫文章必自名一

家然後可以傳不朽若體規畫圓準方作矩終爲人之臣僕古人譏屋下位屋信然陸機曰謝朝華於已披啓夕秀於未振韓愈曰惟陳言之務去此乃爲文之要五經皆不



詩言治身  
三  
同體孔子沒後百家奮興類不相沿是前人皆得此旨嗚呼吾亦悟之晚矣雖然若天假吾年猶冀老而成云

杭世駿撰閻若璩傳云一日在徐邸夜飲公云今日直起居注 上問古人有言使功不如使過此語何本若璩言宋陳良時論有使功不如使過題通篇俱就秦穆公用孟明發揮應是昔人論此事者作此語第不知出何書耳越十五年讀唐書李靖傳高祖謂靖逗留詔斬之許紹爲請而免後率兵八百破開州蠻冉肇州俘禽五千帝謂左右曰使功不如使過靖果然謂卽出此又越五年讀後漢書獨行傳索盧放諫更始使者勿斬太守曰夫使功者不如使過章懷太子注若秦穆赦孟明而用之霸西戎乃知全

出於此甚矣學問之無窮而人尤不可以無年也

宋太祖改元乾

德後得蜀宮人舊鑑其背有乾德四年鑄字問之學士竇儀乃知蜀王衍先有此號畢尚書沅續資治通鑑考異引者舊續聞云江南保大中浚秦淮得石誌案其刻有大宋乾德四年字它皆磨滅不可識合諸人參驗乃輔公祐反江東時年號然則竇儀又不知輔公祐已有此號矣古人謂書至死讀不盡即使有年亦未必能無恨也

顏氏家訓勉學篇鄴平之後見徙入關思魯嘗謂吾曰朝

無祿位家無積財當肆筋力以伸供養每被課督勤勞經

史未知爲子可得安乎吾命之曰子當以養爲心父當以

教爲事使汝棄學徇財豐吾衣食食之安得甘衣之安得

暖若務先王之道紹家世之業藜羹緼褐我自欲之

周密齊東野語卷二十裴度嘗訓其子云凡吾輩但可令

文種無絕然其間有成功能致身萬乘之相則天也山谷

云四民皆坐世業士大夫子弟能知忠孝信友斯可矣然不可令讀書種子斷絕有才氣者出便當名世矣似祖裴語特易文種爲書種耳練兼善嘗對書太息曰吾老矣非求聞者姑下後世種子耳余家有書種堂蓋兼取二公之說云

宋袁褰楓窗小牘東坡歐公集序云宋興七十餘年民不知兵富而教之至天聖景祐極矣而斯文終有媿於古士亦因陋守舊論卑而氣弱自歐陽子出天下爭自濯磨以通經學古爲高以救時行道爲賢以犯顏納諫爲忠長育成就至嘉祐末號稱多士歐陽子之功爲多劉隋司馬溫公文集序云是文也君天下者得之足以鑑興衰通治體



公卿大夫得之足以勸忠嘉盡臣節士庶人得之足以檢身厲行爲君子之歸以至山顛水涯幽人放客得之則浩歌流詠斟酌饜飫隨取隨足兩公之文真不媿蘇劉序言也

宣城施愚山閨章謂山谷言近世少年不肯深治經史往取給於詩故致遠則泥此最爲鍼砭詩如其人不可不慎

國史本傳

前明楊東里自序其詩云古人之善詩者一出於正用之鄉閭邦國有裨世道夫詩之所發也三代公卿下至閨門女子皆有作以言志而其詩可傳余早未聞道旣溺於俗又往往不得已又應人之求卽其志之所存者無幾矣華

容巖首昇平子序劉長卿詩曰吾代爲詩者視前代益多而詩益衰蓋國家功令初不繇此取士士大夫不以此輕重人才凡此居然作詩者其於詩非眞如嗜酒好色不能自已於性情也或少年好名精神大半耗於干祿之學而復以其緒餘分風流一席不然則有薦紳先生勞於王事晝錦之餘萬全孫謀然後以其旣衰血氣應酬山水花月之間之二者以外則又有布衣之徒其始學制舉藝不成退而學詩思挾以涉四方遊大人不得已而從事無惑乎於此道概乎未有聞也越卓凡其杰山水移序云古今爲詩者自漢魏而下唐人以全力宋人以半力我明人只以餘力蓋士自束髮攻制藝卽凜凜功令罔敢措片語於格

時有所懼而不暇也迨通籍以後高者翺翔木天粉署  
次者分理劇邑阨邊朝考夕糾顧其職業時有所分而不  
給也高才之士非不抽元挾奧豎幟詞壇終是奔走風塵  
所應酬者率皆金門紫陌遷除祝頌之詞安所得佳句而  
稱之又其甚也每見皓首窮經反以衡泌爲苦卽或終南  
借徑原未領畧川巖下至朝燕暮楚之跋涉閒關徒增浩  
歎傍人門戶聊取救飢恐於山水之趣概未知也夫詩之  
爲道不苦心不深不積學不厚不闢智借慧於山水不靈  
云云山水移楊龍友文驄所著盧見曾顏師古匡謬正俗  
序唐人尙詩賦而師古冲遠獨畢力於經史近代探唐人  
之詩者無慮數千家二君者顧不預焉用知古人學有專



門不尙兼長觀數公之論吾輩之詩其亦可以已矣吾鄉  
方菊人丈嘗以作詩妨學爲余誡桃源向梅修大令謂余  
年壽已迫於詩文二者宜擇一自精不可兼涉亡友平江  
鍾亦皋云吾輩若止辦作詩人可恥之甚皆藥石之言附  
志於此以爲余警舊五代史晉書李懌傳時詔翰林學士  
院作一詩一賦下禮部爲舉人格樣懌曰李懌識字有數  
頃歲因人偶得及第敢與後生髦俊爲之標格假令今卻  
稱進士就春官求試落第必矣格賦格詩不敢應詔君子  
多其識大體文與可墨竹揮灑不能自己後見人設置筆  
研卽逡巡避去求之至終歲不可得或問其故答曰吾向  
者學道未至意有所不適而無所遣之故一發於墨竹是

病也今吾病良已可若何余詩不如與可墨竹之工而不敢與人爭能且力求病之速已則其志也雖然此豈易哉楊文公談苑載周世宗嘗爲小詩示寶儼儼言今四方僞主各能爲之若求工則廢務不工則爲所窺世宗遂不復作冊府元龜明宗戒秦王重榮曰吾少鍾喪亂馬上取功名不暇畱心經籍在藩邸時見判官論說經義雖不深達其旨大約令人開悟今朝廷有正人端士可親附之庶幾有益吾見先皇時愛自作謔詩將家子文非素習未能盡妙諷於人口恐被諸儒竊笑吾老矣不能勉強於此唯書義尙欲耳裏頻聞

北夢瑣言或有述李頻詩於錢尙父云只將五字句用破

詩書卷之三  
一生心尙父曰可惜此心何所不用而破於詩句苦哉  
國朝晉江丁雁水煒著有問山詩集十卷嘗曰天下莫不  
爲詩連篇累牘雲馳泉湧可謂大盛顧唐家音律與晉室  
清談士大夫靡然成俗至於曠職廢業以求一二字句之  
工又余之所懼矣

蔡汝楠字子木始好爲詩有重名中年好經學及官江西  
與鄒守一羅洪先游學益進然詩由此不工云

朱子曰作詩間以數句適懷亦不妨但不用多作蓋便是  
陷溺當其不應事時平淡自攝豈不勝思量詩句呂氏童  
蒙訓姜潛至之仁宗朝老儒先生也不喜人作詩云招悔  
吝損心氣



宋王邁敬滄州塵缶編

程公許撰

西山真先生文忠公不喜作

詩嘗語門人曰予每不減班史古今人物表且有感程正公且作第一等人之言頃詮次聖賢別爲一表以傳道者爲第一德行次之節義又次之而後及於講明學術之儒先建列論議之公卿植立功業之將相曰循吏曰逸民皆品列臚分之若文藝則在數等之下詩又其下矣

陸心源  
酌宋樓


藏書  
志

張維屏聽松廬詩話相傳某官行取御史入都以詩質於秋谷佐以土儀秋谷復之云土儀拜登詩集璧謝其人銜之於是有糾劾之事又馮協一者文毅公之子也沒後檢遺藁求正於秋谷秋谷爲之序嘲謂百端夫詩一藝耳已

能之固無可驕人不能亦無可謂如驕而加之以薄無乃  
於溫柔敦厚之旨先自失乎秋谷者山東益都趙編修執  
信

元人楊瑀山居新話夔夔平章字子山號正齋恕叟又號  
蓬累叟康里人一日與余論書法及叩有人一日能寫幾  
字余曰曾聞松雪公言一日寫一萬字夔曰余一日寫三  
萬字未嘗輟筆余切敬服之凡學一藝不立志用工可傳  
遠乎

姜白石詩說云人所易言我寡言之人所難言我易言之  
難說處一語而盡易說處莫便放過僻事實用熟事虛用  
學有餘而約以用之善用事者也意有餘而約以盡之善



措辭者也篇終出人意表或反終篇之意皆妙句中無餘  
字篇中無長語非善之善者也句中有餘味篇中有餘意  
善之善者也始於意格成於句字詩有四種高妙一曰理  
高妙二曰意高妙三曰想高妙四曰自然高妙一篇全在  
結句如截奔馬辭意俱盡如臨水送將歸辭盡意不盡若  
夫意盡辭不盡剡溪歸棹是也辭意俱不盡溫伯雪子是  
也溫伯雪子日擊而道存見莊子田子方篇一家之言自有一家風味如樂之  
二十四調各有韻聲乃是歸宿處撫仿者語雖似之韻則

亡矣

見王漁洋香祖筆記

宋人盛庶齋老學叢談晦菴先生云劉元城與劉壯輿說  
某人字畫不正必是心術不明年來後生寫字多破體不



思東晉時江東分王元氣坼裂風俗澆漓清談誤國字畫  
何取盛唐及宋初諸公字畫重厚何嘗破體今或多或少  
妄爲增減佩觿集點畫之間有關造化況一點一畫不同  
聲音便別歐陽公嘗言所謂法帖者率皆弔喪候病敘睽  
離通問訊施於朋友不過數行而已高文大冊何嘗用此  
甚至刊爲字本以誤學者姚公牧菴近刊五經文字於寧  
國路學正教之意深矣